

沈氏尊生書

000412



云南中医学院  
藏书之章  
图书馆

沈氏尊生書卷四

幼科釋謎

感冒

沈金鰲輯

感者觸也。冒其罩乎。觸則必犯。犯則內趨。罩則必蒙。蒙則裏。痰當其感冒。淺在肌膚。表之則散發。之則祛。病斯痊矣。寧至盤紆。若不早治。由外內徂。侵經及絡。臟腑壅沮。潛骨淪髓。邪毒固儲。變成大病。難以驟驅。而至于危。而至於殂。伊誰之過。能無憾歟。感冒之邪。惟風最初。風行迅速。飄忽吹噓。當風行止。便入身軀。由風挾寒。風寒是區。乃風之寒。非風寒俱。故異傷寒。六經遍掄。脉兼浮緊。其候吁。由風挾熱。風熱是呼。乃風及熱。非風熱殊。故異中熱。暑暍猝痛。脉兼浮數。其候齟齬。感冒之原。由衛氣虛。元府不閉。腠理常疎。虛邪賊風。衛陽受據。惟肺主氣。首先犯。諸心火相合。肝風并煦。以



漸而入。因風疾馳。避風避箭。載在方書。正風且然。况戾風剽。感冒之症。未可盡拘。頭疼身熱。輕則或無。必惡風寒。肢體不舒。鼻流清涕。堵塞氣麤。咳喘聲重。涎沫有餘。咽乾口閉。自汗沾濡。此外因也。當用表除。素有痰熱。窠囊若墟。太陽陽明二經是居。風邪易入。招引而孚。風乘火熱。火煽風樞。互相鼓動。病盛膈肱。此內因也。當用爬梳。感冒之治。四時難誣。春夏辛涼。升麻柴胡。荆防羌葛。取效須臾。秋冬辛溫。桂枳參蘇。二胡二活。其要也夫。內治甘苦。升散同符。沖和通聖。二方是圖。臨時消息。以意蓄畬。庶幾痰疾。如草加勸。所觸斯解。所學亦紓。

#### 四時感冒症治

錢乙曰。貪睡口中氣熱。呵欠煩悶者。傷風症也。頭目疼痛而畏人畏寒者。傷寒症也。

張元素曰。小兒外感風寒。拘急呵欠。皮毛澁。口中氣熱者。當發散。秋冬用溫熱。春夏用涼寒。  
譚殊聖曰。小兒頭疼體痛。鼻塞流涕。咳嗽噴嚏。頰赤眼澁。山根青色。皆傷風寒也。宜大青膏。

初虞世曰。感冒風寒。通用人參羌活湯。惺惺散。參蘇飲。

萬全曰。有風熱兼傷者。或先傷風而後受熱。或先受熱而後傷風。一時齊發。貴審輕重而治之。宜桔梗湯。熱鬱湯。若久不愈。此兒必虛。不得仍用表散。

李梴曰。傷風則涕流鼻塞聲重。傷風症屬肺者多。宜辛溫辛

涼散之。戴氏曰。新咳嗽鼻塞聲重是也。有汗而惡風。此真感風症也。

春溫風溫夏熱秋燥冬寒症治

王履曰。小兒春曰溫病。未滿三日。先用惺惺散二帖。後四五日不解。煩渴嘔吐。白朮散。白汗口燥。用製白虎湯。六七日。大便燥結。四順飲子下之。心腹大實。大滿。牛黃通腸丸下之。初起。疑是瘡疹。只用葛根升麻湯解肌。

葉桂曰。春溫伏氣症也。昔人以冬寒內伏。藏于少陰。入春發于少陽。以春木內應肝胆也。寒邪深伏。已經化熱。昔人以黃芩湯爲主。方苦寒直清裏熱。熱伏于陰。苦味堅陰。乃正治也。知溫邪忌散。不與暴感同法。若因外邪先受。引動在裏伏熱之先。辛涼以解新邪。繼進苦寒以清裏熱。況熱乃無形之氣。幼醫用消滯攻治有形胃汁。先涸陰液。劫盡者多矣。擬春溫備用方。黃芩湯涼膈散。清心涼膈散。若新邪引動伏邪。葱豉湯。春溫爲冬季伏邪。幼科亦有之。治從大方。然暴感爲多。如頭痛惡寒發熱。

喘促鼻塞身重。脉浮無汗。原可表散。春令溫舒。辛溫宜少。用陽經表藥。最忌混亂。至若身熱咳嗽。有痰之症。只宜肺藥。辛解瀉白散。加前胡牛蒡薄荷之屬。消食藥只宜一二味。切訛。清。風溫乃肺先受邪。遂逆傳心包。治在上焦。不與清胃攻下同法。勿科不明。手經之病。多致危殆。若寒痰阻閉。亦有喘急胸高。不可與前法用三白吐之。春季溫煖。風溫極多。溫變熱最速。若發散風寒。消食劫傷津液。變症尤速。擬風溫備用方。涼膈散。清心涼膈散。瀉白散。白虎湯。至寶丹。清心牛黃丸。喻氏清燥救肺湯。先夏至爲病溫。後夏至爲病熱。熱者暑熱也。暑必兼溼。暑傷氣分。溼亦傷氣。汗則耗氣。傷陽胃汁大受劫燬。病變由此甚多。張鳳達云。暑病首用辛涼。繼用甘寒。再用酸泄收斂。不必用下。可稱要言。不煩。夏令受熱昏迷若驚。此爲暑厥。卽熱氣閉塞孔竅所

致其邪入絡。與中絡同法。牛黃丸至寶丹。芳香利竅可效。甦後用清涼血分。如連喬心竹葉心元參細生地鮮生地。二冬之屬。

要緊語

此症初起。大忌風藥。初病暑熱傷氣。竹葉石膏湯。或清肺輕劑。大凡熱深厥深。四肢逆冷。但看面垢齒燥。二便不通。或瀉不爽。爲是大忌。誤認傷寒。秋深初涼。穉年發熱咳嗽。與春月風溫相似。而溫自上受燥自上傷。理亦相等。均是肺氣受病。世人誤認暴感風寒。混投三陽發散。津劫燥甚。喘急告危。若果暴涼外束。身熱痰嗽。只宜葱豉湯。或蘇梗前胡杏仁枳桔之屬。僅一二帖亦可。更有粗工。亦知熱病與瀉白散加芩連之屬。不知愈苦助燥。必增他變。當以辛涼甘潤之方。氣燥自平。而愈慎勿用苦燥劫燂胃液。秋燥一症。氣分先受。治肺爲急。若延數十日。病必入血分。又非輕浮肺藥可治。須審體症端。深秋入冬。暴冷

折陽外感發熱頭疼身痛嘔惡必從太陽若渴能飲水者裏熱見症卽非純以表散傷寒每以風傷衛用桂枝法寒傷營用麻黃法小兒肌疎易汗難任麻桂辛溫表邪太陽治法輕則紫蘇防風一二味身病用羌活然不過一劑傷風症亦肺病爲多前杏枳桔之屬辛勝卽是汗藥葱豉湯乃通用要方若肢冷寒戰嘔吐自利或身無熱卽從中寒裏症三陰須分但小兒太陰中寒最多厥陰間有若冬令應寒氣候溫煖當藏反泄卽能病名曰冬溫溫爲欲熱之漸非寒症得汗卽解若涉表邪一二裏熱必兼七八是癰疹丹痧非徒風寒或外受之邪與裏邪相薄亦令鬱于經絡或飲醇厚味裏熱熾烈而衛氣不與營氣相和或不正直入內侵卽有腹痛下痢諸症其治法必以裏症爲主稍兼清散設用辛溫禍不旋踵至于痧痘時癘須分四氣也



此頁文字極其模糊，似有若干行，但內容完全不可辨識。僅能依稀看出一些零散的字跡，如「...」等。此頁可能為一頁空白或文字嚴重褪色之頁。

痰涎

沈金鰲輯

大人痰飲。小兒涎痰。痰由涎結。涎乃脾汁。脾運胃液。肢體皆咸。脾氣不足。風熱相兼。壅遏中脘。口沫淹淹。乃生壯熱。驚搖漸添。脾熱乘心。涎亦中含。心忡心悸。胸膈常愆。涎流口角。痰自喉探。或喘或嗽。皆痰之嫌。鷄聲鋸聲。皆痰之占。凡屬驚癇。痰必深潛。凡屬痞積。痰又牢堅。瘧必有痰。寒熱難堪。眩亦多痰。痰痰火上。炎凡諸痰。病涎亦均沾。然痰與涎。津液所涵。實爲元氣相附。如緘不圖。其本痰涎。是剗元虛而脫。難免僣儻。錢氏遺法。白朮散拈涎。痰之治。此其大凡。勿求小效。心存二三。

痰涎原由症治

錢乙曰。余治朱監簿子。五歲夜發熱。曉如故。醫以鐵粉丸下涎。病益甚。至五日大引飲。余取白朮散一兩煎三升。任意飲。朱轉

疑其瀉。余曰：縱瀉勿怪，但不可下耳。止瀉治痰，清神退熱，皆此藥也。又煎三升，服盡稍愈。三日又服三升，不渴無涎，投阿膠散，二服安。

聖惠方曰：小兒多涎者，風熱壅脾，積聚成涎，卽乳食不下，涎沫結實而生壯熱。小兒多涎亦由脾氣不足，不能四布津液而成。若不治其本，補益中氣而徒去其痰涎，痰涎雖病液亦元氣所附，去之不已，遂成虛脫。每見驚搖壯熱等症，醫以下痰，小見功效，屢下之而致天亡者多矣。姑備方：半夏丸、牛蒡子散、譚氏金珠丸、白附丸。

### 五臟傳變皆痰

李梴曰：五臟傳變皆痰爲患。蓋痰乃風苗火靜則伏于脾，風動則壅于肺，痰火交作則爲急驚，或成嗽痺，痰火結滯則爲癇釣。

或爲咳嗽。痰火來去。則爲瀉青。皆由脾溼而成。所以驚風忌純用風藥。當以養血藥爲使。古方保元湯加白芍爲慢驚美劑也。脾肺母子也。二臟俱虛。則生煩涎。煩涎者。脾肺所出也。涎則一。流溢在于咽喉。如水鷄之聲。喘嗽煩悶。宜抱龍丸奪命散。

命盜奪于即類敗水銀之釐抽煉取問官自製其

開和長于也之論知法問士取無難也皆率前代仕之也

用則兼治以養和事也雖古秋和亦無取自法之

其法以養和事也雖古秋和亦無取自法之

咳嗽哮喘

沈金鑿輯

咳嗽哮喘。肺臟所招。爲虛爲實。有本有標。析而治之。理無或淆。咳則無痰。其聲必高。嗽則無聲。其痰若膠。聲痰俱有。咳嗽名昭。大抵咳嗽。由傷肺杓。或風乘肺。頭痛汗饒。或寒乘肺。肢冷痠痛。或熱乘肺。面赤熱潮。或火乘肺。涕唾血條。或燥乘肺。毛髮如燒。惟嗽之痰。脾溼未消。更詳時令。四序分鑣。秋冬多實。春夏虛勞。更分久暫。莫任畷畷。初時感冒。邪舍皮毛。淫淫習習。喉痒難搔。嗽久液耗。華蓋難澆。聲連氣促。涎沫盈瓢。更參臟腑。仔細推敲。嘔苦屬胆。脇痛肝撓。小腸失氣。喉梗心苗。長蟲胃嘔。吐乳脾嘈。大腸遺糞。喘息肺搖。膀胱遺溺。腎痛背腰。腹滿面腫。此屬三焦。須明種種。咳嗽堪標。哮喘相近。細核實遙。哮喘喘主痰。與氣相擦。或嗜鹹醋。膈腕煎熬。口開呷吸。口閉呀噉。呀呷二音。乃合成哮喘。喘氣促急。喘主熱燎。痰聲喝

喝。肚。擗。胸。去。擗。肩。張。口。鼻。扇。氣。休。俱。爲。惡。候。非。可。易。調。故。知。肺。病。不。自。一。朝。金。爲。火。尅。熱。被。寒。包。根。因。不。一。辨。析。厘。毫。肅。清。嬌。臟。永。令。堅。牢。

### 咳嗽原由症治

錢乙曰。夫嗽者。肺感微寒。八九月肺氣大旺。病嗽者必實。非久病也。其症面赤痰盛。或身熱。宜葶藶丸下之。久者不可下也。十一二月嗽者。乃傷風嗽也。風從背脊第三椎肺俞穴入也。宜麻黃湯汗之。有熱症面赤飲水。涎熱咽喉不利者。宜兼甘桔湯。若五七日間身熱痰盛唾粘者。編銀丸下之。有肺盛者。咳而後喘。面腫欲飲水。有不飲水者。其身卽熱。瀉白散。若傷風嗽。五七日無熱症。而但嗽者。亦可用葶藶丸。後用下痰藥。有肺虛者。咳而哽氣。時時常出氣。喉中有聲。此久病也。阿膠散補之。痰盛者。先

實脾後以補銀丸微下之。痰退卽補肺如上法。蓋久嗽者肺亡津液故必用阿膠散治嗽大法。盛則下之。久卽補之。更量虛實以意爲增損。

聖惠方曰小兒嗽而呀呷作聲者由胸膈痰多嗽動其痰上搏于咽喉之間痰與氣相擊隨嗽動息呀呷有聲其咳嗽本體雖同而于治療則加消痰破飲之藥以此爲異耳宜聖惠射干散羅謙甫曰小兒齁船症本由暑熱所侵未經發散邪傳心肺變而爲熱熱生風風生痰痰實不化因循日久結爲頑塊圓如豆粒遂成痰母推本其原或啼哭未休遽與乳食或飼以酸鹹氣鬱不利致令生痰或風寒暑溼侵襲或墮水中水入口鼻傳之于肺故痰母發動而風隨之風痰潮緊氣促而喘乃成痼痰急宜去風化痰先以五苓散同寬氣飲寬熱飲用少姜汁和勻沸



湯調服。次進知母湯半夏丸治之。

張元素曰。嗽而兩脇痛者。屬肝經。小柴胡湯。嗽而嘔苦者。屬胆經。黃芩半夏生姜湯。嗽而喉中如梗者。屬心經。甘桔湯。嗽而失氣者。屬小腸。芍藥甘草湯。嗽而右脇痛者。屬脾經。升麻湯。咳而嘔長蟲者。屬胃經。烏梅丸。嗽而喘息吐血者。屬肺經。麻黃湯。咳而遺尿者。屬大腸。赤石脂湯。咳而腰背痛。甚則咳涎者。屬腎經。麻黃附子細辛湯。咳而遺溺者。屬膀胱。茯苓甘草湯。咳而腹滿不欲食。面腫氣虛者。屬三焦。異攻散。

曾氏曰。脾虛亦能作嗽。當投補劑。醒脾散。茯苓厚朴湯。令脾氣實。然後間與清肺飲。疏解肺經風寒。及藿香飲。助脾養胃。亦救子益母之法也。有一症。咳嗽至極。時頓嘔吐。乳食與痰俱出。盡方少定。此名風痰壅盛。肝木剋脾土。用白附飲治之。

薛己曰。咳嗽流涕。外邪傷肺也。參蘇飲。咳嗽面赤。心火刑肺也。人參平肺散。嗽而吐青綠水。肝木乘脾也。異功散。加柴胡。嗽而吐痰。乳脾肺氣傷也。六君加桔梗。嗽而吐膿痰。熱蘊于肺而成肺癰也。桔梗湯。凡風邪外傷。法當表散。而實腠理。其用下藥。非邪傳于內。及胃有實熱者。不宜輕用。面色白。脉短澁者。肺之本症也。易治。面色赤。脉洪數者。火刑金也。難治。

百日內嗽

曾氏曰。百日內嬰兒咳嗽痰壅。睡中不寧。亦因產後感風而得。不可過用表散。宜惺惺散。貝母湯。

王肯堂曰。此名乳嗽。實難調理。亦惡症也。當審虛實。實者散之。虛者補之。其症氣粗痰盛。口瘡眼熱。發散後。可微利之。比金圓等主之。散其實也。其症嘔吐驚悸。困倦自汗者。宜補肺散。益黃

散天麻散。補其虛也。大抵治驚嗽。琥珀散。天麻圓。乃要藥也。用天麻。蟬退。姜。蚕人參。川芎。甘草。礪砂。胆星。天竺黃。白附子。雄黃。金箔末之。蜜丸。芫子大。金箔爲衣。薄荷湯下。此治百日內嗽不止。遠勝諸藥。

### 哮喘原由症治

張兼善曰。哮喘遇冬則發者有二症。一由內外皆寒。須用東垣參蘇溫肺湯。一由寒包熱。用越婢湯加半夏。

虞埈曰。喘促喉中如水鷄聲者。曰哮。氣促而連續不能以息者。謂之喘。

李梴曰。哮以聲。響言喘以氣息言。

鰲按哮症。古人尚主痰。後人謂寒包熱。治須表散。竊思之。

大都幼穉多吃鹹酸滲透氣腕。一遇風寒。便窒塞道路。氣息喘促。故多發于冬。初必須淡飲食。行氣化痰爲主。禁涼劑。恐風邪難解也。禁熱劑。恐痰火易升也。蘇子。枳殼。青皮。桑皮。桔梗。半夏。前胡。杏仁。山梔。皆治哮必用之藥。李士材謂先于八九月未寒。

時用大承氣下其熱。至冬寒無熱可包。此法頗好。曾試之亦效。而又有食哮宜清食丹。有水哮宜水哮方。有風痰哮宜干縉導痰湯。有年久哮宜皂角丸或青皮散。

錢乙曰。喘症有由肺盛。復有風冷者。胸滿短氣。氣急喘嗽。上氣當先散肺。後發散風冷。散肺瀉白散。風冷大青膏。有由肺臟怯弱者。其唇白色。當補肺。阿膠散。若悶亂氣粗。喘促哽氣者。難治。肺虛損故也。脾肺病久。則虛而唇白。脾者肺之母也。母子皆虛。不能相營。故曰怯。肺主唇。唇白而澤者吉。白如枯骨者死。

闕孝忠曰。小兒喘病。甚于咳嗽。然有虛實冷熱之分。實熱者。清肺飲加五和湯。加姜葱。及瀉肺湯。經云。喘息皆因氣有餘。蓋肺主氣也。虛冷者。補肺散。坎離湯。此肺虛感風。氣不升降。致有是症。及用定喘飲常驗。不拘冷熱皆可服。痰涎失音。二聖散。婁全善曰。喘急之症。有因暴驚觸心者。有因寒邪壅盛者。有因

風邪外客者。有因多食鹹酸痰滯者。有因膏粱積熱熏灼清道者。然喘與氣急。有輕重之別。喘則欲言不能。隘於胸臆。氣急但息短。心神迷悶耳。治法。因驚者。化痰定喘丸。寒傷肺氣者。小青龍湯。風邪傷肺者。三拗湯加減。鹹酸傷肺者。食生豆腐。熱傷肺者。清肺飲。喉聲如鋸者。半夏丸。前症多因脾肺氣虛。腠理不密。外邪所乘。真氣虛而邪氣實者。爲多。若已發。則散邪爲主。未發。則補脾爲主。設概攻其邪。則損真氣。逕補其肺。則益其邪。

### 馬脾風

初虞世曰。馬脾風者。暴喘而兼脹滿也。大小便噎。宜急下之。用牛黃奪命散。後用白虎湯平之。

馬脾風。若患在百日內者。不治。

吳綬曰。有馬脾風者。因寒邪入肺。寒鬱爲熱。痰喘上氣。肺脹。胸

船若不速治。立見危亡。宜用辰砂二錢半。甘遂一錢半。輕粉五分。共爲末。每取一字。以溫漿水少許。上滴香油一點。挑藥在油花上。待沉下。卻去漿水。灌之。卽名馬脾風散。此方甚妙也。

外邦所來...  
 即...  
 其...

蘇土...  
 公其...  
 領...

啼哭

沈金鰲輯

淚爲肝液。哭乃肺聲。風襲肝臟。內外風并。惟風煽熱。乘於心經。火熱逞風。刑鑠肺金。金木相擊。悲哭聲驚。或日或夜。陰陽互爭。亦因母怒。乳哺熱生。熱移肝臟。肝火莫平。乃多驚哭。其用弗寧。亦因母慾。孕時過淫。淫火炎熾。致令毒停。既生之後。有觸哭應。亦因母冷。孕時寒凝。邪氣入胞。兒與之迎。生後邪鬱。兒腹膨脹。正氣相搏。軀張啼傾。亦因父氣。腎弱虧精。兒稟之產。腎陰不榮。虛火炎上。忽作啼鳴。丹溪論此。必致歸冥。然則啼哭。病因匪輕。或寒或熱。或嚇或撻。或胸腹痛。或觸神靈。務觀其勢。各究其情。勿云常事。任彼涕淋。啼哭原由症治。

巢元方曰。小兒有軀啼者。在胎時。其母傷于風冷。邪氣入胞。傷于臟腑。故兒生之後。邪猶在兒腹內。邪動與正氣搏。則腹痛。故



兒軀張蹙氣而啼也。鈎藤膏。

錢乙曰。小兒驚啼者。謂睡夢中忽然啼而驚覺。邪熱乘心也。安神丸。寒夜啼者。脾臟寒冷。當夜陰盛之時。相感故痛而啼也。錢氏當歸丸。熱夜啼者。腹熱痛。夜啼。面赤唇焦。便赤。用人參湯下三黃丸。

張渙曰。嬰兒在胎之時。其母將養。一切不如法。及取涼飲冷。食過度。冷氣入兒腸胃。使胎氣不強。致生下羸弱多病。俯仰多啼。名曰軀啼。宜養臟湯。

王履曰。小兒夜啼有四症。一曰寒。二曰熱。三曰口瘡。重舌。四曰客忤。寒則腹痛而啼。面青白。口有冷氣。手足腹俱冷。曲腰而啼。宜六神散。益黃散。熱則心躁而啼。面赤。小便赤。口中熱。腹煖。或有汗。仰身而啼。或上半夜仰身。有汗而啼。面赤。身熱者。必痰熱。

也。到曉方息。宜導赤散加黃芩。口瘡重。舌則吮乳不得。口到乳上。卽啼。身額皆微熱。急取燈照之。依口瘡重。舌爲治。客忤者。或見非常之物。與未識之人。或經神廟佛寺。與鬼神氣相忤。而啼。有日啼驚。夜必黃昏。前後尤甚者。錢氏安神丸。

龐安常曰。小兒夜啼。作心經有熱。有虛治之。燈心散。黃連飲。蟬花散。月內夜啼驚搐者。乃胎中受驚所致。鎮驚散。有痰者。抱龍丸。

李梴曰。初生月內多啼者。凡胎熱。胎毒。胎驚。皆從此而散。且無奇疾。按李氏此說甚是。故凡兒啼。只宜輕手扶抱。任其自哭。自止。切不可勉強按住。或令吮乳止之。若無他病。亦不必服藥。以上諸家方治。亦爲有他病者備用。非謂夜啼必服藥也。

李璣曰此主日內多事各人須防口舌  
並其

林塔 日內多事各人須防口舌

...

...

...

...

...

汗

沈金鰲輯

汗爲心液。心陽固留在內。爲血發外。汗流傷於客感。濺濺汗浮發。汗而汗。邪隨汗休。必以汗愈去病之由。汗而爲病。病從汗搜。自汗盜汗。二者是求。陰虛陽湊。發熱汗稠。陽虛陰乘。發厥汗濇。心腎俱弱。自汗堪憂。腠疎膚嫩。邪熱內讐。熱搏心主。液不內兜。睡中汗出。其醒則否。或傷冷熱。陰陽相勾。津液走洩。肌體遍周。此皆盜汗。惟虛是謀。飲食饑飽。胃汗外投。驚而奪精。心汗瀏瀏。持重遠行。腎汗悠悠。疾走恐懼。肝胆汗游。力作勞苦。脾汗颼颼。經言臟腑各不相侔。總之汗病日久。體柔骨蒸。疔瘡驚癇。筋抽黃瘦。疲弱汗冷如揉。凡諸變症。悉皆可愁。他如陽脫。其汗在頭。心空之汗。當心逗遛。命絕之汗。如珠如油。各從病決。醫法方優。

自汗症治

錢乙曰六陽虛汗上至頂不過胸也不須治之。

曾氏曰小兒脾虛自汗多出額上沾粘人手速救胃氣沉香飲脾虛瀉自汗遍身冷而出有時遇瀉則無瀉過卽有此候大虛急當補脾益黃散參苓白朮散肺虛自汗右臉色多眇白肺脈按之無力蓋久因咳嗽連聲不已痰滯不活乃肺經虛氣上壅致令汗出宜補肺散及以藿香飲調脾此又益母救子之義也慢驚自汗遍體俱有其冷如冰此症已危金液丹固真湯寔症自汗外因感冒風邪發熱無問昏醒浸淫汗出當急救表解肌百解散胃怯汗上至頂下至臍此胃虛當補胃益黃散。

### 盜汗症治

錢乙曰小兒睡而自汗出者肌肉虛也止汗散遍身汗出者香

瓜丸

薛己曰。自汗屬陽虛。盜汗屬陰虛。蓋陽爲衛氣。陰爲營血。血之所主。心也。所藏。肝也。熱搏于心。故液不能內斂。而外洩于皮膚。人卧則靜而爲陰。覺則動而爲陽。故曰自汗屬陽。盜汗屬陰也。多因心腎不交。水火不能既濟。腎虛則閉藏之令失守。故有是症。因血虛內熱。當歸六黃湯。心經有熱。導赤散。肝經虛熱。六味丸。血脫盜汗。當歸補血湯。肝胆風熱。柴胡清肝湯。

每三百日有...

世上心...

人得...

參因...

盜因...

我血...

耳目鼻口舌齒咽喉

沈金鰲輯

人身九竅取象于泰。眼耳與鼻各兩竅對陰數爲偶。三偶坤外口及二便各一竅繫陽數爲奇。三奇乾內外坤內。乾是爲泰卦。天地生人精微廣大。然皆中正。非爲誕怪。按卦核形。病從茲逮。耳竅屬腎。其病聾聵。或火或虛。肝邪同害。目爲肝竅。病最難制。多半屬火。兼由風戾。亦或內虛。間因寒滯。腫痛爲輕。甚則障翳。淚出差明。隱澁多蔽。鼻之發竅。端主于肺。肺金受邪。鼻塞而闕。清涕常流。時或發嚏。鼻衄鼻瘡。肺熱莫洩。叶去聲鼻淵鼻癭。病兼腦治。唇口屬脾。熱甚則碎。口瘡口糜。相連爲害。齒本骨餘。病來則齧。疳潰爛齦。腎脾肝憊。舌乃心苗。掉弄舌礙。溼食胎生。火熱黑綴。重舌木舌。皆屬危殆。至若咽喉呼吸氣會。喉癰喉痺。喉驚喉閉。種種惡症。最宜審諦。傷人性命。瞬息之際。瀉火逐痰。乃其要劑。或渴或燥。腫痛相繼。猶



爲輕候。清之便解。諸症在上。彙爲一派。凡有病者。急治無怠。分經析症。勿俾敗壞。若前後陰下部。是隸別爲疏論。聿分疆界。耳病原由症治。

巢元方曰。耳者宗脉之所聚。腎氣之所通。小兒腎臟盛而有熱者。熱氣上沖于耳。津液壅結。卽生膿汁。亦有因沐浴水入耳內。水溼停積。搏于血氣。蘊結成熱。亦令膿汁出。皆謂之聾耳。日久不瘥。卽變成聾也。紅藍花散。

劉完素曰。耳者心腎之竅。肝胆之經也。心腎主內症。若其人精血不足也。肝胆主外症。若其人風熱有餘也。或聾曠。細辛膏。或虛鳴者。通鳴散。稟賦虛也。總治六味地黃丸。或脹痛。菖附散。或膿痒者。菖烏散。邪氣客也。總治柴胡清肝湯。若因腎肝疳熱。六味丸。蘆會丸。並用。若因熱積內熱。四味肥兒丸。若因脾經鬱熱。

加味歸脾湯。若因肝經怒火。加味逍遙散。若因乳食膏粱積熱。  
加味清胃散。其藥皆令乳母小兒同服。不可端于治外。不惟閉  
塞耳竅。且恐變生他症。延留日久。遂成終身聾聵。蓋外治方。只  
可治腑症之輕者。若係肝經風熱。血燥元虛等症。必依前方論  
內服。各宜之藥。或外治以收膿溼亦可。

目病原由症治

薛己曰。目者白睛屬肺。黑睛屬肝。瞳人屬腎。上下胞屬脾。兩眦  
屬心。內眦又屬膀胱。五臟五色。各有所司。心主赤。赤甚心實熱  
也。導赤散。赤微心虛熱也。生犀散。肝主青。青甚肝熱也。瀉青丸。  
淡青。肝虛也。地黃丸。脾主黃。黃甚脾熱也。瀉黃散。淡黃。脾虛也。  
異功散。目無精光。及白睛多。黑睛少者。肝腎俱不足也。地黃丸。  
加鹿茸。晝明夜暗者。陽氣衰弱也。沖和養胃湯。凡赤脈翳膜從

上而下者。屬足太陽。東垣選奇湯。從下而上者。屬足陽明。局方  
流氣飲。蓋翳膜者。風熱內蘊也。邪氣未定。謂之熱翳。邪氣已定。  
謂之冰翳。而沉于內。邪氣既升。謂之陷翳。宜用升發。佐以退翳。  
藥上眼皮下出黑白翳者。屬大陽寒水。從外至內者。屬少陽風  
熱。從下至上綠色者。屬足陽明及肺腎合病也。疳眼者。因肝火  
溼熱上沖。脾氣有虧。不能上升清氣。故生白翳。睫閉不開。眵淚  
如糊。久而膿流。遂至損目。宜益氣聰明湯。茯苓瀉溼湯。及四味  
肥兒丸。目閉不開者。因乳食失節。或過服寒涼。使陽氣下陷。不  
能升舉也。柴胡復生湯。若胃氣虧損。眼睛少力而不能開。補中  
益氣湯。暴赤腫痛。肝火熾盛也。龍胆瀉肝湯。多淚羞明。心肝積  
熱也。生犀散。風沿爛眼者。腸有積熱也。清胃散。時時作痒者。膿  
潰生蟲也。用點藥紫蘇膏。眼睫連劄者。肝經風熱也。柴胡清肝

湯若生下目黃壯熱二便秘不乳面赤眼閉在胎時感母熱毒也。兒服瀉黃散母服地黃丸若肢體面目爪甲皆黃小便如屋塵色者難治。又有痘疹後餘毒未盡上侵于目者腎肝虛也。滋陰腎氣丸前症皆當審治于母兼調其兒。其外障宜保命羚羊角散。龍胆飲子其內障宜瀉肝黃連湯。局方菊睛丸雀盲宜復明散。通睛宜湯氏牛黃丸。眼白多宜山茱萸丸。

### 鼻病原由症治

聖惠方曰肺氣通于鼻。若肺爲風冷所傷冷隨氣乘于鼻故流清涕。宜聖惠菊花散。蓋津液涕唾得熱則乾燥得冷則流溢也。張兼善曰小兒肺臟壅滯有積熱上攻于腦則全腦熱犀角升麻散肺臟有熱津液乾燥亦令無涕木通散其鼻中瘕肉宜千金方。

張渙曰。肺氣通于鼻。氣爲陽。若氣受風寒。停滯鼻間。則成鼻塞。氣寒。津液不收。則多涕。若冷氣久不散。膿涕結聚。使鼻不聞香。臭。則成齷鼻。清肺膏。若挾熱。則鼻乾。皆能妨害乳食。

薛己曰。風邪客肺。鼻塞不利。宜消風散。辛夷膏。因驚仆。氣散。血無所羈。而鼻衄。異功散。楊氏地黃散。加柴梔。鼻色赤。脾胃實熱也。瀉黃散。微赤。脾經虛熱也。異功散。加升柴。

### 口病原由症治

史演山曰。小兒口內白爛于舌上。口外糜潰于唇。疔瘡少而大。不甚痛。常流清水。此脾胃虛熱。上蒸內已。先發而後形于外也。百解散。以疏表。當歸散。以和胃氣。理虛熱。次投牛蒡湯。或天竺黃散。地黃膏。外塗黃金散。有無故口鼻糜潰。而不成瘡。或服涼劑。或塗末藥。而不效者。此名元焦。故脉訣云。陰數脾熱。并口臭。

是脾有虛熱。上攻于口也。回陽散。兒大者。黑錫丹。參苓白朮散。調元散。外以黃金散。乾摻潰處。先用蒸蜜水調點舌上。令自咽下。忌毒物。若瘡生口角。是脾有積熱。再有外風吹着。便覺折裂。微有清血。名燕窩瘡。治法同前。總之口瘡一症。形與名不同。故治法亦異。有發于未病前。有發于已病後。有不病而自發。大抵此病。不拘肥瘦。血氣盛。又將養過溫。或心脾有熱。或客熱在胃。熏逼上焦而成。此爲實症。宜宣熱拔毒。使無炎熾。則自愈也。小兒偏風。口噤。總由肝胆二經之症。居多。蓋噤者。筋急也。由風木太甚。乘脾以勝水逆。故筋燥而收斂勁切。或左或右。其因一也。若胃氣虛。風邪所乘。其筋脉偏急者。屬外因。若肝經風熱。乘脾筋脉。偏急者。屬內因。若脾肺虛。外邪乘于腠理。或服金石藥。耗損肝血。或吐瀉液亡。不能養肝。致口眼歪斜。或半身不遂。諸

症皆屬肝血不足。肝火生風。宜滋腎水。六味丸。養肝血。六味丸。壯脾土。異功散。加柴胡。鈎藤。

舌病原由症治

初虞世曰。脾家微熱。冷舌絡微緊。時時舒舌。微露即收。名弄舌。宜瀉黃散。其欲飲水。脾胃液少也。勿用冷藥反下。舌腫硬。漸粗大滿口。名木舌。由風熱盛也。不急治。即塞殺人。宜當歸散。瀉黃散。玉露飲。以消黃散擦舌上。有小舌附舌下。近舌根處。名重舌。用苦竹瀝浸黃柏末點舌上。不效。真蒲黃傳之。不過三次愈。內服當歸連喬湯。外點綠袍散亦可。蓋舌者心之苗。心熱則生瘡。破裂。肝壅則血出如湧。脾閉則白胎如雪。總宜涼散。上焦及心肝脾三經邪熱。疏風化痰爲主。

齒病原由症治

王漢東曰腎主骨。齒者骨之餘也。小兒初生腎氣不足。則齒生遲緩。若腎經有熱。上蒸于齒。亦能令齒腫。以腎爲胃關。故腎熱易移于胃也。其由脾胃實火。作渴口舌生瘡。齒齲潰爛。焮痛連頭面。或惡寒發熱。宜清胃散。若因脾胃氣虛。寒涼剋伐。或虛熱上行。口舌生瘡。弄舌發熱。或嘔吐困倦。大便不實。流涎齲爛者。五味異功散。

### 咽喉病原由症治

譚殊聖曰咽喉者。一身之總要。與胃氣相接。呼吸之所從出也。凡小兒熱毒蘊積于胸膈之間。壅滯不散。發爲咽喉之病。如單蛾雙蛾。重舌木舌。疔腮懸癰。皆其屬也。宜參雜病源流中大法先洗去口中舌上白胎。其次掃去風痰。然後依所見症治之。  
薛己曰小兒喉痺。因膏粱積熱。或稟賦有熱。或乳母七情之火。



飲食之毒。當分其邪。畜表裏。與症之輕重。經之所主而治之。若左腮色青赤。肝胆風熱也。柴胡梔子散。右腮色赤。肺經熱也。瀉白散。額間色赤。心小腸熱也。導赤散。兼青色。風熱相搏也。加味逍遙散。鼻間色黃。脾胃熱也。瀉黃散。兼青。木乘土位也。加味逍遙散。兼赤。心傳土位也。柴胡梔子散。額間色赤。腎熱也。地黃丸。凡此積熱內蘊。二便不通。疏利之。風邪外客而發寒熱。發散之。乳食膏粱積熱。清胃散。陰虛。地黃丸。大概當用輕和之劑。以治其本。切不可用峻利之藥。以傷真氣。其或感風熱。但腫痛咳嗽者。爲輕症。宜甘結湯。牛蒡湯。化毒湯。牛蒡子湯。拔萃桔梗湯。若至氣塞不通。則非吹喉散。立效散。不可。

大小二便

沈金鰲輯

蓋聞二便均司于腎元陽上蒸。脾符。脾腐。水穀大腸導引。大便通調。登圍勿窘。肺主化原。膀胱氣醞。小便通調。無須堅忍。二便自利。惟腎無損。若夫閉澀。各有其本。傷暑傷寒。風熱相等。驚癇客忤。疳積可憫。類皆煩熱燥渴。引飲二便秘結。乃其兼症。原其所由。哺乳失準。酸鹹凝滯。甘甜食并。腸胃風壅。心胸痺梗。水穀不行。氣脉如搦。三焦熱焚。臟腑毒蘊。治之之法。疏導爲穩。至于癰淋。陰莖諸疾。腸頭痒痛。癰毒高墳。尿血腸紅。一切宜審。二便病除。陰陽分畛。

大便不通原由症治

王肯堂曰。百問云。小兒大便秘。乃是肺家有熱。在裏流入大腸。以致秘結不通。乃實熱也。當以四順清涼飲加柴胡。熱甚者加

山梔黃芩流利之。其表裡俱熱者。面黃頰赤。唇噪口乾。小便赤澇。大便焦黃。無汗者。先解表。宜柴胡散汗之。解後大便秘。或肚疼者。以清涼飲。大柴胡湯。承氣湯。皆可下之。積熱者。神芎丸尤妙。

小便不通有陰閉陽閉癃閉

曾氏曰。小便不通有陰陽二症。陰閉者。爲冷溼乘虛入裏。因而不通。以白芍藥湯加南木香。及用炒鹽熨臍四圍。陽閉者。因暴熱所逼。澁而不通。又有癃閉。乃內臟氣虛。受熱壅滯。宜化不行。非澁非痛。但閉不通。腹脹緊滿。宜木通散。玉露飲。

薛己曰。東垣云。小便不利。有在氣。在血之分。在氣分者。病居上。焦必渴。肺中有伏熱。水不能生。絕小便之源也。法當淡滲。能泄肺中之熱。而滋水之化源。在血分者。病居下。焦而不渴。熱畜膀胱。

膀胱是熱。澁其流而溺不泄也。須用氣味厚陰中之陰藥治之。諸淋皆由腎虛。

巢元方曰：諸淋症皆腎虛所致。腎與膀胱爲表裏。至水下入小腸。通于胞。行于陰。而爲溲。腎氣通於陰。下流之道也。淋有五。曰膏淋。小便有肥脂似膏。浮在上。此腎虛不能制其肥液而下行也。曰冷淋。先戰慄而後小便。此亦腎虛而下焦受冷。冷氣入胞。與正氣交爭。故小便澁而戰慄。曰熱淋。下焦有熱。熱氣傳于腎。流入于胞。其溺黃多而澁。間有鮮血。曰血淋。熱之極也。心主血。外行經絡。內行臟腑。熱盛則失其常道。心與小腸表裏。故下流入胞。爲血淋。曰石淋。腎主水。水結則化爲石。腎爲熱所乘。遇小便則莖中痛。不得流利。痛引小腹。則沙石從小便出。甚至寒痛。令人昏悶。遍身有汗。而後醒也。並以局方五淋散。下龍腦鷄蘇。

丸自愈。

遺尿有寒熱異因

劉完素曰。遺尿不禁者爲冷。腎主水。膀胱爲津液之腑。腎與膀胱俱虛。而冷氣乘之。故不能拘制其水。出而不禁。謂之遺尿。睡中自出者。名尿床。此皆腎與膀胱俱虛。而挾冷所致也。以鷄腸散主之。亦有熱客於腎部。干於足厥陰之經。廷孔鬱結極甚。而氣血不能宣通。則痿痺而神無所用。故液滲入膀胱。而旋溺遺失。不能收禁也。

尿白

薛己曰。小便如泔。或良久變白。亦有脾虛食積。溼熱下注者。先用茯苓散五七服。次用四味肥兒丸。

王肯堂曰。小便初出微赤。良久白濁者。乃熱疝之邪也。初出黃

白久白濁者。乃冷疝之候也。冷者益黃散。熱者干黃丸。冷熱兼者。蘆薈丸。純下白濁者。厚朴丸。

### 陰腫癰疝

巢元方曰。諸筋會於陰器。邪客于厥陰少陰之經。與冷氣相搏。則陰囊腫痛。而引縮。經中雖分四症。曰腸癰。氣癰。水癰。卵癰。然小兒患此。若治之不早。則成痼疾。如腰曲腹痛。冷汗自出。而陰囊二子。弔縮入腹。痛止方出。名曰內弔。用勻氣散及金鈴散。

曾氏曰。有陰莖全縮不見。有陰囊光腫不痛。此因肝腎氣虛也。宜金鈴散。勻氣散。蓋筋遇寒則引縮。遇熱則弛張。故三因用法。以寬小腸。氣疏風爲治。然小兒此症。多因坐陰冷之處。及感風溼而得。用當歸散。加楫榔。蒼朮。水姜煎服。有外腎無故而膚囊腫大。不燥不痛。光亮如吹。此氣虛所致。宜三因家韭子丸。勻

氣散。一症外腎膚囊赤腫通明。及女兒陰戶腫脹。乃心熱之  
所傳。皆以木通散導赤散爲治。間有啼叫怒氣閉繫於下結  
聚不散。加以水竇不行。以致陰腫核腫者。宜桃仁丸。小兒狐  
疔。氣偏有大小。時時上下者。此名偏墜。以蜘蛛十四個炒焦。桂  
枝五錢。共爲末。每服八分。日再酒調下。蜜丸亦可。外傳黑散。

### 尿血

錢乙曰。溺血者。蓋心主血。與小腸相合。血之流行。週遍經絡。循  
環臟腑。若熱聚膀胱。血滲入脬。故小便血出也。

薛己曰。熱入大腸。則大便下血。熱入小腸。則小便出血。小兒多  
因胎中變熱。或乳母六淫七情。厚味積熱。或兒自食甘肥積熱。  
或六淫外侵而成。小便出血者。實熱。清心蓮子飲。虛熱。六味地

黃丸。

脫肛肛痒

沈金鰲輯

肺爲華蓋。表裏大腸。大腸有戶。肛門是張。肛卽腸頭。本屬內藏。其氣通流。來往輸將。肺如實熱。腸結非常。肺如虛寒。腸出而長。虛寒實熱。此其大綱。致脫之故。還宜細詳。風木尅土。脾胃是傷。暑溼風熱。俱聚其方。清濁旣混。洞洩莫當。久則腸虛。傳送力危。風冷所襲。肛脫爲殃。他如久痢。努力是妨。稟賦怯弱。神氣泯泯。皆能致脫。病非孔臧。又有肛痒。甘肥過嘗。致生溼熱。壅滯非良。溼熱成毒。蟲生蝕肛。其肛作痒。腸弔心忙。便血發熱。神志悽惶。肌體骨立。遍身生瘡。清胃滌熱。扶脾是襄。內外兼治。乃其要方。蝕肛透內。此子必殤。肛病原由症治。

巢元方曰。肺與大腸爲表裏。肛者大腸之門。肺實熱則閉結不通。肺虛寒則腸頭出露。有因痢久裏急後重。努力肛開爲外風。



所吹。或伏暑作瀉。腸滑不禁。或稟氣怯弱。易於感冷。亦致大腸  
虛脫。凡小兒所患瀉痢。皆因暑溼風熱。乘脾胃虛而得。治法宜  
補脾溫胃。使金得受母之益。而氣實。宜霍香飲。次則內投固腸  
之劑。健脾飲。養臟湯。外以伏龍肝散傅之。令其自收。

陳藏器曰。小兒肛痒。或嗜甘肥。大腸溼熱壅滯。或溼毒生蟲。而  
蝕肛門。若因溼熱壅滯。宜四味肥兒丸。大便秘者。清涼飲。蟲蝕  
肛門。先用化蟲丸。後用四味肥兒丸。外以雄黃散內肛門。若因  
病不食。蟲無所養。而食臟食。肛者。其齒齲無色。舌上盡白。四肢  
倦怠。其上唇內有瘡。吐血如粟。心中懊懣。此蟲在上食臟。若下  
唇有瘡。此蟲在下食肛。透內者不治。

丹毒

沈金鰲輯

丹毒多般。病原則一。總由心火。風毒搏擊。主血者。心血爲火。逼陰滯于陽。血熱鬱逆。內而熏蒸。先蘊胸膈。外達皮膚。熱而色赤。赤若丹塗。熱若火炙。凡熱有毒。毒則痛極。漸至壞爛。水流肌裂。入腎入腹。斯至于厄。亦有在胎。胎毒久積。迨至生後。感熱發洩。亦有乳母七情內迫。酒醴燔炮。恣情而食。毒從乳流。與兒相賊。亦有食多脾弱。難尅。熱蘊于中。肌表紅色。亦有孕時。母受驚嚇。驚邪傷胎。遞相傳襲。形發于外。向夜啼泣。眼胞微腫。面帶青黑。種種諸丹。不能盡悉。治法。大要清火。滌熱。頃刻丹消。肌膚一抹。

胎毒發丹

史演山曰。胎毒發丹者。因胎毒內伏。或頻浴熱湯。或着烘衣。或乳母飲食七情內熱。助邪爲患。發於頭面四肢。延及胸腹。色赤。

遊走不定。古人云。從四肢起入腹囊者。皆不治。當急令人隨患處。遍吮毒血。各聚一處。砭出之。急服活命飲。惟百日內。忌砭。以其飢肉難任也。若發散太過。表虛熱而赤不退者。用補中益氣湯。加防風白芷。寒涼過劑。胃氣受傷。而熱赤不退者。異功散加升柴。或兼發搐等症。用四君加升歸鈎藤。若復用攻毒。必致不起。頭額間患者。當砭之。

一切丹原由症治

巢元方曰。火丹候。往來如傷寒。赤着身而日漸大者。是也。又云。丹火候狀。發赤如火燒。須臾。燦漿起。是也。

聖惠方曰。凡小兒一切丹。皆由風毒在於腠理。熱毒搏於血蒸。發于外。其皮上熱而赤。如丹塗狀。故謂之丹。若又不歇。則肌肉壞爛。若毒氣入腹。則殺人。今以一方同療之。故號一切丹也。用

升麻散。赤丹者由風毒之重故使赤也。初發腫起大如連錢。小者如麻豆。肉上生粟如鷄冠故亦謂之茱萸丹也。宜升麻膏。又云有天火丹者。肉中有如丹赤色者。大者如手。劇者遍身赤。痒故名天火丹也。又云天火丹從背起赤點。用桑白皮末羊脂調塗。千金治天火丹病。初從髀間起。小兒未滿百日。犯行路灶。君若熱流陰頭。赤腫血出。方用伏龍肝末。鷄子清調塗。又有鬼火丹者。發兩臂。赤起如李子。戎鹽散。有野火丹者。丹發赤斑斑。如梅子。滿背腹。千金遍身皆赤者名野火丹。雄黃戎鹽各五錢。爲末。鷄子白調頻塗。以差爲度。有家火丹者。初發着兩頰。兩髀上。兩腋下。古方治家火丹。攻喉入腹。用硝石凝水石銅器內熬乾。研服方寸匕。有殃火丹者。初發兩脇及腋下。用上用朴硝研末。每服五分。竹瀝調下。更量兒大小加減。有神火丹者。丹發兩

膀。不過一日。便赤黑。醋調梔子仁末塗。有熒火丹者。丹發如灼。在脇下。正赤。初從額起。或從耳起。而多痛。赤小豆一合。硝石五錢。寒水石一分。爲末。冷水調五分。日三服。量兒大小加減。冷水調塗亦可。有朱田火丹者。先發於背。遍身一日一夜而成瘡。藍靛塗之。或未成瘡。鷄子清調赤小豆末。傅已成瘡。赤豆末摻之。有天灶火丹者。發兩膀裏尻間。正赤流至陰頭。赤腫血出者。是也。用赤豆伏龍肝等分爲末。雞子白調塗。車前子末水調塗亦可。有廢灶火丹者。從足趺起。正赤者是也。赤小豆一兩。牛角二兩。燒灰共末。雞子白調塗。有尿灶火丹者。丹發膝上。從兩股起。及臍間。走入陰頭者是也。李樹根半斤。燒灰取田中流水調塗。有赤流者。小兒身上。或一片片赤色如胭脂。及漸引。此名丹毒。俗謂之流火。若因熱而得者。赤色。因風而得者。白色。皆腫而壯。

熱也。先砭其惡血。內服升麻湯。毒未入腹者。可療也。有蛇纏丹者。此丹匝腰則死。搗蒿芑爛塗。或研蒿芑子塗之。有蜘蛛丹者。滿身病。用白礬皂莢燒灰。豬槽下泥和塗之。有赤白遊腫者。小兒肌肉虛。爲風毒熱氣所乘。熱毒搏于血氣。則皮膚赤而腫起。其風隨氣行遊不定。故名也。又云。遊腫之狀。爲青黃赤白。無復定色。遊走於皮膚之間。肉上微光是也。犀角散。凡丹入腹。生麻油塗之。服嬰孺方丹。痛擣竹茹汁。及一升作一服。只一二服效。丹痒。擣韭菜汁。入些鹽。與香油。以手摩熱於丹上。指之立愈。曾氏曰。赤火丹瘤。皆心火內熱而發。赤如丹砂。心主血。而火性熱。血熱相搏。陰滯於陽。卽發丹毒。心虛寒則痒。心實熱則痛。自腹生出四肢者。易治。自四肢生入腹者。難療。先用百解散表之。次以當歸散。加連翹荆芥水煎。與宣熱拔毒。其次赤葛散。或初

用化丹湯亦好。有身上發時。亦如前症。不甚燥痒。但見出浮  
遍體。神昏不悅。名陰溼毒症。嬰孩生後百日之內。半歲以上。  
忽兩眼胞紅暈微起。面青黯色。向夜煩啼。或臉如胭脂。此伏熱。  
在內。亦有臉不紅者。始因居胎之時。母受重驚。驚邪傷胎。遞相  
傳襲。形發於外。初發時。散生滿面。狀如水豆。腳微紅而不壯。出  
沒休息無定。次到頸項。亦如硃砂。名曰驚丹。用四聖散先洗其  
目。次百解散加五和湯同煎。與解驚熱丹毒當歸散牛蒡湯亦  
可。如驚丹發至胸乳間。微有痰喘作搐。急宜宣熱拔毒。免至內  
流爲害。不淺。五和湯加升麻生地燈心生姜。則自消除。仍用前  
數藥調治。不生他症。

吳綬曰。小兒丹毒。乃熱毒之氣。極與血相搏。而風乘之。故赤腫  
及遊走遍身者。又名赤游。風入腹入腎。則殺人也。大抵丹毒雖

有多種病源則一。有赤丹毒遍身痒者。或女子十五六而脉未通者。多發丹疹。皆由血有風毒乘之。宜防已散。

### 五色丹

聖惠方曰。夫小兒五色丹者。由丹發而改變無常。或青黃赤黑白。皆風毒之熱。有盛有衰。或冷或熱。故發爲五色丹也。宜用小柴胡湯如法煎服。以渣傳丹上良。

### 辨小兒欲發丹毒候

王肯堂曰。初生兒畜伏胎熱。欲發丹者。必先見於外。如在襁褓中。無故眼生厚眵。此丹毒欲發也。更微喘急。毒氣已甚。上乘於肺也。纔覺有此。急以水調龍腦飲子。或藍根犀角等。潛消其毒。如渾身已有赤處。卽更以芸薹等外挫其鋒。消息而次第治之。凡兒病諸丹腫。其勢雖盛。切不可遽用大黃芒硝輩大下之。



恐毒乘虛入裏也。但用性平解毒托裏藥。小兒丹發若預度其勢必展引至咽頸腹心陰尻諸虛處。可先塗藥以護之。仍砭其引頭所向。微出惡血以泄其毒。丹毒宜食海螵鮑魚。然不可過。

沈氏尊生書卷五

幼科釋謎

諸病應用方

導赤散

生地 木通 甘草 等分 竹葉 一方不用甘草用黃芩  
此方瀉內小腸火。

錢氏生犀散

犀角二錢 地骨皮 赤芍 柴胡根 葛根 各一兩 炙草五錢 每末一錢煎服  
此方治心經虛熱。

四聖散

燈心 黃連 秦皮 木賊 棗子各半兩 每  
咬咀二錢煎服

地黃膏

治嬰孩胎受熱毒或生下兩目不開  
鬱金 皂莢 水煮乾切焙 豆粉各五錢 炙草一分 馬牙硝一錢 生地汁蜜對煎成膏和丸水含化 嬰兒磨濃汁以鷺翎掃入口內

張渙保命散

白礬 硃砂各二錢半 馬牙硝五錢 研極細每服一字水調塗舌上先拭淨兒舌

幼科釋謎方

卷五

治嬰兒胎毒致生鵝口。

### 龍胆湯

龍胆草 鈎藤 柴胡 黃芩 桔梗 赤芍  
茯苓 炙草各五錢 蟻蛭二個去翅足灸  
大黃一分紙裹煨 為細末食前調服 或  
加防風麥冬以去心熱亦可

治胎驚月內氣盛發熱臍風撮口壯熱。

### 辰砂膏

辰砂三錢 礪砂 牙硝各錢半 元明粉二錢  
全蝎 眞珠末各一錢 麝一字 為末  
和棗肉好絹包起自然成膏每二豆許治諸驚  
金銀薄荷湯下 潮熱甘草湯下 月內嬰兒  
乳汁調塗奶上令吮下

### 宣風散

全蝎二十一個去頭尾酒塗炙 麝香少許另  
研 每細末半字金銀或麥冬湯調服  
治斷臍後外傷風溼唇青口撮多啼不乳口出

白沫。

### 黑白飲

黑牽牛 白牽牛俱半生半炒 生大黃 陳  
皮去白 檳榔各五錢 炙草三錢 元明粉  
二錢 每末五分至一錢空心溫蜜湯調服  
此藥新合最妙久則效遲

治臍風氣實者及急驚壯熱發搐。

錢氏柏墨散

黃柏

金下墨

亂髮灰

等分每末少許傅

錢氏瀉心湯

黃連

一兩

每末

二分五分至

一錢

臨卧

溫水

此方瀉丁心實邪實則瀉其子。

張渙金黃散

黃連二錢半

胡粉

煨龍骨各一錢

各另

研再合研每少許敷臍中時時用治臍瘡不差風氣傳于經絡變為癰疾。

外消散

大黃

牡蠣各五錢

朴硝二錢

每末一錢

或二錢用田螺一枚洗淨浸一宿水調塗治臍突或痛或不痛及感溼熱陰及囊腫。

木通散

木通

扁畜各五錢

大黃

甘草梢

赤苓

各三錢

瞿麥

滑石

山梔

黃芩

車前

子各二錢半

加燈心三莖或薄荷少許

錢氏瀉青丸

當歸焙

龍胆焙

川芎

山梔

羌活

煨

丹溪金烏散

蜈蚣半條

酒浸炙

川烏尖三個

麝少許

每末半字金銀湯下

治臍風。一名定命散。一名麝香散。

### 五通膏

生地 生姜 葱白 萊菔子 田螺肉 搗爛塗臍四圍。一指厚。抱住。洩風而愈。

治臍風撮口。

### 六神散

茯苓 扁豆各二兩 人參 白朮 山藥各一兩 炙草七錢 每末一錢 姜棗煎。

治腹冷痛夜啼。

### 湯氏鈎藤散

人參 犀角各五分 全蝎 天麻各二分 甘草一分 鈎藤一錢 一名鈎藤飲。

### 千金龍胆湯

煨大黃二錢 龍胆草 赤苓 甘草 黃芩各錢半。

### 調氣益黃散

蜈蚣一條 酒炙 蝎梢四個 姜蚕七個 麥五分 每末一字 吹鼻中 取嚏啼者可治 仍用薄荷湯調一字服之。

治噤口撮口臍風。

### 大青膏

天麻末一分 生白附子錢半 蝎尾去毒生末 烏梢蛇肉 酒浸焙研各五分 青黛一錢。

硃砂末 天竺黃末各三分 蜜和成膏 每半皂子許至一皂子許 月中兒粳米大同牛黃。

膏用薄荷湯化一處服之五歲上同甘露散服

### 惺惺散

茯苓 細辛 桔梗 花粉 人參 炙甘草  
白朮 川芎 等分 每末一錢加姜一片  
薄荷三葉同煎 湯氏方細辛減半餘俱等分

### 獨活湯

此方除風熱及傷寒時氣瘡疹發熱。

獨活 羌活各二錢 檳榔 天麻 麻黃去節  
炙甘草各一錢 共為細末每半錢水煎  
于內加南星末蜜調可貼頤門

### 治胎驚發散風邪

### 奪命散

銅青 硃砂各二錢 膩粉半錢 麝香少許  
蝎尾去針十四個 每末五分薄荷湯調下

此方治天弔臍風客忤卒死撮口鵞口木舌喉

痺疔腮風壅吐涎後依症調理

### 錢氏涼驚丸

龍胆草 防風 青黛各三錢 鈎藤鈎二錢  
黃連五錢 牛黃 麝香 龍腦各一字  
麪糊丸粟米大每三五丸金銀湯下

演山截風丹

全蝎去毒炒 姜蚕炒 白附子炮 南星炮  
天麻各二錢半 朱砂一錢 蜈蚣酒炙一  
條 麝香一字 蜜丸每三九金銀薄荷湯化  
下

利驚丸

輕粉 青黛各一錢 牽牛末五錢 天竺黃  
二錢 蜜丸小豆大薄荷湯化下

此方治急驚痰熱潮搐。

全蝎散

全蝎薄荷葉包炙二十四個 姜蚕炒去絲嘴  
薄荷葉包炙五錢 南星一兩用姜一兩鮮薄  
荷二兩同搗作餅晒乾 如急驚不用南星加  
大黃一兩煨若慢驚不用大黃加製南星 白  
附子炮三錢 防風 天麻 炙甘草 硃砂  
水飛 川芎各五錢 共為末 一歲兒服一字  
二歲兒服半錢薄荷湯下 量大小歲數加減  
身熱發搐煎火府散調 慢驚吐瀉發搐生薑  
湯 急驚搐煎火府散加大黃湯

火府散

生地 木通各一兩 黃芩 炙甘草各半兩  
每咬咀二錢不拘時水煎溫服

治面赤咬牙唇口乾燥小便赤澀一切虛實邪  
熱。

直指銀白散

蓮肉 扁豆 茯苓各一分 人參 白附子 天麻 全蝎 木香 藿香 炙草各半分 陳米炒三錢 每末一錢加姜一薄片冬瓜子七粒同煎 一方加白朮一分

助胃驅風嘔吐作慢驚候者通用。

地黃丸

生地八兩 山萸 山藥四兩 丹皮 澤瀉 茯苓各三兩 蜜丸 本方加防風羌活各二兩名加味地黃丸

安神丸

麥冬 牙硝 茯苓 山藥 寒水石各五錢 硃砂一兩 甘草六錢 冰片一字 煉蜜 丸如鷄頭大每半丸砂糖調 以上二方甘寒瀉火之劑血氣虛而急驚者宜之

治小兒驚悸熱渴心悶脉實面紅頰赤口燥。

曾氏百解散

葛根二兩半 升麻 赤芍各二兩 黃芩一兩 麻黃七錢半 薄荷桂二錢半 甘草一兩 每粗末二錢加姜葱煎不拘時溫服 風熱盛加薄荷

此方主和解百病虛慢陰症不宜。

牛蒡湯

牛蒡子炒三兩 大黃兩半 防風 薄荷各一兩 荆芥四兩 甘草一兩一錢半 每呷



咀二錢不拘時煎服

主傷風發熱煩躁。鼻塞氣喘。痰嗽驚啼。及諸瘡

赤紫丹毒。咽喉腫痛。

### 半夏丸

生半夏二兩 赤苓 枳壳各一兩 風化朴  
硝二錢半 姜汁糊丸 每三十九丸 食後姜湯下  
量兒大小加至五十九丸

治痰症神效。若驚搦後風涎潮作。服之神效。

### 寬氣飲

枳壳 枳實各一兩 人參 炙甘草各五錢  
每末五分至一錢湯調下 驚風作搦姜汁  
調 熱甚者人寬熱飲薄荷蜜湯調下或麥冬  
湯

主通利關節。胸高痞結。消痰逐水。進食。及治蓄

氣而成搐。傳變急慢驚風。氣逆精神昏倦。

### 五和湯

當歸 赤苓各半兩 甘草炙 大黃 枳壳  
各七錢半 每粗末二錢煎不拘時服

此方主宣利臟腑積滯。調利榮衛。

扶神湯

扶神一兩 人參 當歸各半兩 炙草二錢  
每以咀二錢煎 有熱微煩躁加麥冬

此方治心氣不足虛而驚悸日常頻哭及生下

羸瘦多驚宜子母同服。

鄭氏比金圓

輕粉 滑石各錢半 南星一錢二分 青黛  
五分 糊丸小豆大一歲二丸薄荷湯下 急

驚頭熱足冷面青口噤痰瘕加一丸桃皮湯下  
名桃符丸去青黛加蠋梢五分名小青丸

治急驚壯熱喘粗痰嗽二便不利。

曾氏五苓散

澤瀉二兩半 茯苓 豬苓 白朮各一兩半  
肉桂七錢半 每一錢湯下

解傷寒溫溼暑毒霍亂分陰陽理煩渴。

鎮心丸

甜硝 人參各一兩 炙草 寒水石各一兩  
半 山藥 茯苓各二兩 硃砂一兩 冰片  
麝香各一錢 蜜丸雞頭大每半丸溫水下  
至一二丸

此方涼心經治驚熱痰盛及癇病。

安神鎮驚丸

天竺黃 人參 茯苓 南星各五錢 棗仁  
麥冬 當歸 生地 赤芍各三錢 黃連

薄荷 木通 山梔 硃砂 西牛黃 龍  
骨煨各二錢 青黛一錢 蜜九菘豆大每三  
五丸量兒大小加減姜湯下

驚退後安心神養氣血和平預防之劑也。

### 瓜蒌湯

瓜蒌二錢 白甘遂末一錢

慢驚脉有力。溼痰聚于胸中。風火蘊結者服。

### 青州白丸子

半夏七兩 南星三兩 白附子二兩 川烏  
去皮臍五錢 四味皆用生者研細以生絹袋  
盛井水擺出未出者更以手揉有渣再研再擺  
令盡磁盆內連水日曬夜露澆去舊水另用井  
水攪又晒露如此法春五日夏三日秋七日冬  
十日去水晒乾如玉片研細糯米粥丸菘豆大  
每三五丸薄荷湯下癱風酒下皆不拘時

此方治小兒驚風大人諸風。

### 醒脾散

白朮 人參 甘草 全蝎 橘紅 茯苓各  
五錢 半夏 木香各一分 白附子炮四個  
南星炮二枚 蓮肉一錢 每夫一錢加姜棗  
煎漸服若傾服必吐

南星散

此方昏困者宜之。

人參羌活散

人參 羌活 獨活 柴胡 川芎 白茯苓  
甘草各一兩 前胡 桔梗 天麻 地骨  
皮各五錢 枳殼一兩二錢 每咬咀一錢加  
姜一片薄荷三葉棗半個煎

治初作急驚散風邪除風熱疹痘未發亦可。

鄭氏驅風膏

長砂 蝎尾 當歸 山梔 川芎 龍胆草  
羌活 防風 大黃 甘草各一錢 麝香  
一字煉砂糖丸芡子大三歲三丸薄荷竹葉蜜  
湯化下

治肝風筋脉拘急面紅目青眼上驚搐胎風。

沖和飲

蒼朮一兩 人參 前胡 桔梗五錢 枳殼  
麻黃 陳皮各三錢 川芎 白芷 半夏  
當歸 薄荷 白芍藥 赤苓各錢半 乾  
姜 厚朴各二錢 炙草七錢半 每粗末二  
錢加姜二葱一煎服 傷冷惡心嘔吐加炮姜  
寒疝加小茴吳萸

此方治感冒風寒頭痛發熱肩背拘急惡心嘔

吐腹痛膨脹兼寒溼相搏四肢拘急冷氣侵襲

腰足疼痛。

### 七寶散

紫蘇 香附各三兩 甘草 陳皮 桔梗各二錢半 川芎 白芷各一兩 每粗末二錢加姜二片煎 痰嗽加半夏 口腥氣少加鹽 此方品味不溼不燥甚佳

治風寒時氣。頭昏體熱。咳嗽及脾胃肺不和口。

腥牙縫鮮血兼調理諸病。

### 固真湯

人參 附子 茯苓 白朮各二錢半 山藥 黃芪 肉桂 甘草各二錢 每粗末三錢加姜三棗一煎

主吐瀉痢後。胃虛脾慢。四肢口鼻氣冷。沉困不

省人事。

### 聚寶丹

人參 茯苓 琥珀 天麻 全蝎 白附子 姜蚕 防風 胆星 烏蛇肉酒炙各一錢 硃砂五分 麝香少許 蜜丸桐子大每二丸 菖蒲湯下 治慢驚

### 南星散

南星八九錢重者一個掘地坑深尺許用炭五斤燒通紅醋一碗酒坑中即投南星以火炭密

蓋又用盆覆時許取出研為末入琥珀全

蠋各一錢每二字生薑防風湯下

### 參蘇飲

治漫驚驅風豁痰  
人參 紫蘇 前胡 葛根 半夏 赤苓各  
七錢半 枳壳 陳皮 桔梗 甘草各五錢  
每粗末二錢加姜一片煎 一方去人參加  
川芎

解驚風煩悶痰熱作搐咳嗽氣逆脾胃不和

### 金液丹

解驚風煩悶痰熱作搐咳嗽氣逆脾胃不和  
船上硫黃十兩 研細盛磁器八分水赤石  
脂封縫鹽泥固臍晒乾地上埋一小罐盛水滿  
安磁盒在上又以鹽泥固臍以炭火煨三日三  
夜候冷取出用柳木槌乳鉢內研極細每用一  
錢至二錢量兒大小加增姜湯送下

### 異功散

人參 茯苓 白朮 甘草 橘紅 木香各  
等分每末三字加姜棗煎 一方無木香

### 本事保命丹

虎睛一對瓦上炙乾 硃砂五錢 全蝎 麝  
香各五分 蜈蚣二條去頭尾 天麻一分  
蜜丸豆大磁罐貯之又入冰麝膏定急驚薄荷  
蜜湯下慢驚薄荷湯下各三丸

治急慢驚風四肢逆冷眼直口噤涎流不止

溫驚丸

胆星四兩 硃砂一錢半 天竺黃一兩 子胭脂五分 冰片五分 牛胆汁九芡子大 每服一丸小者半丸沙糖水下

抱龍丸

胆星四兩 天竺黃一兩 雄黃水飛 硃砂 研各半兩 麝香一錢 甘草膏九皂莢子大 溫水化下百日兒一丸分三四服五歲兒一二丸大人三五丸

此治傷寒瘟疫身熱昏睡氣粗風熱痰實壅嗽

驚風潮搦及蠱毒中暑壯熱兒宜常服

黃芪益黃散

黃芪二錢 人參 甘草半生半炙 陳皮各 一錢 白芍七分 茯苓四分 黃連少許 水二盞煎五六沸

此方治胃中風熱

天麻散

半夏七錢 天麻二錢半 炙草 茯苓 白 木各三錢 用水一盞入姜三錢同煮乾焙為 細末每錢半姜棗湯下

治急慢驚風及大人中風涎盛半身不遂

本事福銀圓

青黛三錢  
寒食麵

水銀一  
皂角子  
大黑鉛  
錫炒砂子

豆許大炒

黃明膠炒焦為末各二錢  
輕粉

霜二十粒

雄黃  
粉霜  
水丸麻子大捏匾晒

乾糞器盛一歲一丸隨意加減棗湯送下不得  
化破

神芎丸

生大黃 黃芩各二兩 生牽牛末一兩  
石四兩 黃連 薄荷葉 川芎各五錢水糊  
丸梧子大每三四丸溫水下

治風熱壅滯頭目昏眩口舌生瘡牙齒齧蝕或

瘡疥咬牙驚惕煩躁作渴或大便澁滯或積熱

腹滿驚風潮搐等症

雄黃散

雄黃二錢半 白藥去黑皮 川烏頭炮去皮  
臍 草烏頭炮去皮臍 天麻 川芎各五錢  
為末驚風痰壅每服三分加至一錢姜汁調  
茶清下欲汗姜葱薄荷湯下

治暴中急慢驚風齟齬痰涎滿口及雨侵汗閉



不通。或涼或熱。坐卧生煩。

### 茯苓補心湯

茯苓四錢 桂心 甘草各三錢 人參 麥冬 紫石英各一錢 棗二枚

此方治心氣不足。喜悲愁怒。衄血面黃。五心煩

熱。咽喉間痛。舌本作強。

### 錢氏五色丸

硃砂五錢 水銀一分 雄黃炒一兩 黑鉛三兩同水銀炒 眞珠末一兩 蜜丸麻子大每三四丸金銀薄荷湯下

### 牛黃丸

胆星 全蝎 蟬壳各二錢半 防風 牛黃 白附子 生 姜蚕 天麻各錢半 麝香五分 棗肉 九菘豆大每三五丸荆芥姜湯下

此方治小兒驚癇迷悶。抽掣涎潮。

### 寬氣飲

枳壳一兩 人參五錢 天麻 姜蚕 羌活 炙草各三錢 每粗末二錢加姜二片煎

治小兒風痰壅滿。風傷于氣不能言語。

### 鈎藤飲

鈎藤 人參 犀角各五錢 全蝎去毒 天麻各二分 甘草半分 每末一錢煎

此方治天鈞潮熱

### 天麻圓

南星二錢 天麻 白附子 牙硝 川靈脂  
全蠍各一錢 輕粉五分 巴霜二錢半  
稀糊丸如麻子大每十丸薄荷湯或姜湯下

治小兒食癇有痰

### 羅氏牛黃丸

白花蛇肉 全蠍 白附子 生川烏一枚半  
兩者 天麻 薄荷各五錢以上六味先為末  
另入 雄黃五兩 硃砂三錢 腦子五錢  
牛黃三錢 麝香一錢 以上諸藥共合和勻  
另用麻黃去根二兩酒一升煎至一盞查去盡  
將酒熬藥得所勿至焦赤眾手疾丸焚于大密器藏之  
每丸作五服金銀薄荷湯下大能發散驚邪

### 半黃丸

治因驚中風五癇天鈞客忤潮涎灌壅治一切驚風

### 斷癇丹

黃芪蜜炙 鈞藤 細辛 炙草各五錢 蛇壳酒炙三寸 蟬壳四個 牛黃一錢 棗肉丸麻子大每數丸參湯下量兒大小加減

治癇後復作連綿不除服之有驗

一字散

南星微炮五錢 蟬壳微炒 全蝎 姜蚕各一分 爲細末入蕎麥麵一分用醋石榴壳一枚內諸藥鹽泥封固于灶中慢火上燒之泥燥爲度取研每服一字酒下

此方大能醒風爽精神

牛黃散

牛黃五錢 天竺黃 硃砂 麝香 鈎藤鈎 蝎梢去毒各一錢 每末一字水下

此方清心截風大有奇效

蜜陀僧散

蜜陀僧 研細末茶清調服一錢

治驚氣入心絡不能語者。昔有爲大蛇及狼

三白散

白牽牛炒一兩 白朮 桑白皮 陳皮 木通各三錢 每末五分姜湯下

治小兒盤腸氣鈎先服此藥後服鈎藤膏

薏苡湯

苡仁湯浸去皮 當歸 秦艽 防風 棗仁 羌活 等分蜜丸芡于大每服一丸至二丸 麝香荆芥湯下不拘時

此方主小兒所受肝氣怯弱致筋脉攣縮兩手

伸展無力

聖惠當歸散

當歸 麻黃各五錢 羌活 棗仁 杜仲炒  
人參 桂心各二錢半 每末一錢水一小  
盞加姜少許煎五分量兒大小乳前分減服

主兒在母胞母臟腑有積冷為風邪所束生後

腎氣不足氣血未榮故腳指拳縮不展

大防風湯

炮附 牛膝各一錢 白朮 羌活 人參  
防風各二錢 杜仲 川芎 肉桂 黃芪  
熟地 白芍各錢半 甘草九分 每粗末三  
五錢煎量兒大小用之

治驚癰鶴膝腫痛不消或潰而不斂

防已湯

防已 麻黃 薄桂各半兩 赤芍 赤茯苓  
蒼朮各一兩 炙草七錢半 每咬咀二錢  
加姜二片葱一根或入姜薤白煎空心熱服

此方治感冒風溼之氣失于解表流注兩足疼

痛至兩膝浮腫不能屈伸傳成癰瘻

黑虎丹

生草烏一兩 生川烏 甘草各七錢半 麻黃 甘松 熟地 霍香葉 白芷 油煙墨 燒存性 牙皂 川芎 當歸 生南星 首烏 姜蚕 赤小豆 羌活 白膠香 木鼈 子去油各半兩 糯米糊丸麻子大每二十九至五十九淡姜湯下

此方治諸般風症。

八正散

車前子 煨大黃 瞿麥 山梔 滑石 扁畜 木通 炙草 等分每末二三錢煎

治蘊熱咽乾口燥大渴引飲心忡面熱煩躁不

寧目赤睛疼小便赤閉熱淋血淋咽舌瘡

梔子仁散

山梔五枚 茅根 冬葵子各五錢 炙草二錢 每末一錢水煎

治小便不通臍腹脹悶心神煩熱

局方五淋散

山梔去壳 赤苓 當歸 黃芩 生甘草 車前子 燈心 木通 滑石 冬葵子 淡竹葉 葶藶 加葱白水煎入車前草

汗調五苓散食前服 赤苓五錢 當歸 生草各五錢 赤芍 山梔各二錢 每咬咀三錢煎

五淋散

赤苓五錢 當歸 生草各五錢 赤芍 山梔各二錢 每咬咀三錢煎

金益精

治膀胱有熱水道不通淋瀝不出熱拂便血

木通散

羌活 山梔各二錢 煨大黃 木通 赤苓 甘草各一錢 紫蘇葉二分

治肝心熱驚悸能瀉肝風降心火利驚熱

清心蓮子飲

黃芩 車前子 炙甘草 麥冬 地骨皮各五錢 蜜炙黃芪 茯苓 石蓮子 人參各七錢半 每粗末五錢食前煎服 發熱加柴

胡薄荷 治小兒上盛下虛心火炎上口苦咽乾煩渴微

熱小便赤澁或欲成淋

雞腸散

雞腸一具燒存性男用雌女用雄 牡蠣 茯苓 桑螵蛸炙各五錢 肉桂 龍骨各二錢

半 每用末一錢仍以雞肫一具燒存性研末和酒調食前服

君朴丸

史君子肉去壳 厚朴 黃連各一兩 木香 三錢 蒸餅糊丸每二十九丸米湯下

此治小兒小便白濁久則黃瘦不長肌肉

茯苓散

三稜煨 莪朮煨 砂仁 赤苓各半兩 青皮 陳皮 滑石 甘草各錢半 每末一錢

燈心湯下

此方治乳食傷脾。或心經伏熱。小便白濁。

三稜散

三稜 莪朮各一兩 益智仁 甘草 神麴  
麥芽 橘皮各五錢 每末一錢湯下

治小兒尿白。久則成疳。宜補脾消食化積。

當歸散

牽牛微炒取仁 辣桂各半兩 當歸 大黃  
各二錢半 全蝎一錢半 桃仁二錢半 每  
粗末三錢入蜜一匙煎食前服以利爲度

白芍藥湯

此方治小兒癩疔。

白芍一兩半 澤瀉七錢半 炙草二錢 薄荷  
桂一錢半 每咬咀二錢煎空心服 誤汗誤  
下加人參南木香各二錢 臍下痛加姜三片  
鹽少許或加鈎藤亦可

此方治冷疝腹痛及誤汗誤下卽傷寒壞症是

也。並宜先服。次投對症之劑。

金鈴散

金鈴子肉六錢 三稜 莪朮 青皮 陳皮  
各二錢半 赤苓 茴香各五錢 南木香二

錢 炙甘草四錢 枳殼 枳實 每末五分至一錢 茴香湯下 鈎藤各三

治疝氣腹痛服諸藥愈而復作宜此。

### 烏梅散

烏梅肉 粉草 延胡索各五錢 乳香 沒藥 鈎藤各二錢五分 每咬咀二錢煎

治腹痛及初生嬰孩臍下冷痛疝氣等疾。

### 勻氣散

桔梗二兩 陳皮一兩 砂仁 茴香各五錢 炮姜二錢半 炙草四錢 每末五分至一錢沸湯下 諸疝腹痛燒鹽湯下

主調補通利後及冷疝腹痛氣滯不和。

### 桃仁丸

桃仁三錢 桂枝 牽牛頭末 蒺藜 丹皮 各二錢 蜜丸黍米大青皮木香葱湯下

### 黑散

黃連 黃芩 大黃 黃柏各二錢 同燒存性研細雄豬胆汁蜜調傅

治小兒狐疝氣偏有大小時時上下者即偏墜

### 梔子清肝散

柴胡 梔子 丹皮各一錢 茯苓 牛蒡子 川芎 白芍 當歸各七分 甘草三分

此治三焦及足少陽經風熱發熱耳內痒或出



水。疼。痛。生。瘡。或。胸。脇。間。痛。往。來。寒。熱。

### 柴胡清肝散

柴胡一錢半 黃芩 人參 川芎各一錢  
山梔二錢 連翹 甘草各五分 桔梗八分

治肝胆三焦風熱。怒火乍寒乍熱。往來寒熱。發

熱。或頭發瘡。熱等症。

### 柴胡飲子

黃芩七分 甘草四分 大黃八分 白芍六分  
柴胡 人參各五分 當歸一錢

此方主解肌熱。蒸熱。積熱。汗後餘熱。脉洪實。弦

數。大便堅實。

### 龍腦飲子

炙草四兩 山梔三兩 藿香葉五錢 石膏  
一兩 砂仁 瓜蒌各七錢半 每末一錢 蜜  
水調服 傷寒餘毒潮熱。虛汗加竹葉

此瀉脾經熱。可代瀉黃散。治小兒蘊熱。咽喉腫

痛。眼赤。口瘡。心煩。鼻衄。咽乾。多渴。睡不寧。及除

痰熱。咳嗽。中暑。煩躁。一切風壅。

三解牛黃散

姜蚕 全蝎 防風 白附子 枯梗 大黃  
炙草 茯苓 黃芩 人參 鬱金 等分  
每細末五分至一錢量兒大小加減薄荷蜜湯調下

此方治實熱潮熱。

滋腎丸

酒黃柏三錢 知母二錢 肉桂五分 熟水  
丸梧子大每二十至三十丸百沸湯下  
此方端治腎熱。

當歸補血湯

黃芪三錢 當歸一錢

治肌熱躁熱目赤面紅煩渴晝夜不息脈洪大而虛重按全無此血虛也服白虎湯必死

羌活散

人參 羌活 赤苓 柴胡 前胡 川芎  
獨活 桔梗 枳殼 蒼朮 甘草各等分  
每粗末二錢加姜二片薄荷三葉煎發散風邪  
加葱白 痢症加姜倉米

治傷風時氣頭痛發熱身體煩疼痰壅咳嗽失音鼻塞聲重及解時行下痢赤白。

四順清涼飲

赤芍 當歸 大黃 甘草 各等分 三歲用二錢末加薄荷二葉煎八九沸

治小兒血脈壅實臟腑畜熱頰赤口渴五心煩

熱睡不安驚搐及因乳哺不時寒溫失度令兒

氣血不順腸胃不調大小便澁欲發驚癇或風

熱結核頭面生瘡目赤咽痛瘡疹餘毒一切壅

滯挾熱洩瀉不止加木香煨大黃小便不通加

燈心木通

補中益氣湯

人參 黃芪各八分 白朮 甘草 陳皮各五分 升麻 柴胡各二分 當歸二分

治中氣虛體疲食少或發熱煩渴

寬熱飲

枳壳一兩同巴豆去心膜十五粒同炒去巴豆大黃一兩 甘草七錢半 元明粉二錢半 每細末五分至一錢兒小者用壹字姜蜜湯或薄荷湯調下

白虎湯

知母三兩 炙草一兩 石膏八兩 糯米三合 每粗末二三錢煎米熟為度

治傷寒吐下後邪熱不解熱結在裏表裏俱熱惡風渴燥而煩及中暑汗出惡寒熱渴

參苓白朮散

人參 茯苓 甘草 白朮 扁豆子 山藥 砂仁 苡仁 桔梗 蓮肉各一兩 每末五分至一錢米湯或棗湯調下

主脾胃虛不進食少氣多困中滿痞噫嘔吐氣逆此藥不寒不熱性味和平并可常服

安神散

人參 茯苓 半夏 陳皮 枳實 炙草各五錢 每判二錢加姜棗竹茹煎

治吐瀉後心虛煩悶觸物易驚氣鬱生涎涎與

氣搏睡不得寧如熱渴加麥冬

火府丹

生地 木通 黃芩 甘草

治小兒壯熱

金蓮飲子

防風 炙草 連喬 柴胡 山梔各半兩每末二錢煎服

治小兒蘊積壯熱。眼赤口瘡。心煩躁悶。咽乾多渴。潮熱不止。

### 牛黃膏

蝎尾四十九枚 巴霜一錢半 冰片半匙  
硃砂二錢 鬱金三錢 牛黃少許 麝香一匙  
每末一匙 蜜水調下 量兒虛實用之

此方治壯熱。咽喉涎響。不省人事。或左右手偏搐。或唇口眼鼻顫動。此熱涎內畜風邪外感也。

宜急服之。

### 梔子仁湯

梔子 赤芍 大青 知母各一兩 酒黃芩  
升麻 石膏各二兩 柴胡一兩半 甘草  
五錢 杏仁炒二兩 每三錢加姜三片煎

治陽毒壯熱。百節疼痛。下後熱不退者。

### 人參生犀散

犀角 地骨皮 秦艽 麥冬 枳壳 大黃  
柴胡 桑皮 赤芍 赤苓 黃芪 人參  
鼈甲 每粗末二錢加烏梅半個煎不拘時服

此方治小兒骨蒸肌瘦。頰赤口乾。日晡潮熱。盜汗。五心煩躁。四肢困倦。及大病後餘毒不解。或傷寒後食羊肉體熱。不思食。

調胃承氣湯

大黃 芒硝各一兩 炙草五錢 每末一錢 煎少少溫服

治傷寒陽明症。不惡寒。反惡熱。口渴便閉。詰語腹滿。中焦燥實。及傷寒吐後。腹脹滿者。

桂枝湯

桂枝 芍藥 生姜 甘草 大棗 覆微汗 熱服溫

治太陽中風。陽浮陰弱。發熱頭痛。自汗。鼻鳴乾嘔。惡風惡寒。及陽明脉遲。汗出多。微惡寒。

麻黃湯

麻黃 桂枝 杏仁 甘草

治太陽邪在表發熱。頭身腰骨節痛。項背強。惡

寒惡風無汗而喘。脉浮而緊。亦治哮喘症。

三拗湯

麻黃 杏仁 甘草

治感冒風寒。咳嗽鼻塞。

桂枝麻黃合半湯

桂枝 杏仁

白芍

生姜

甘草

大棗

麻黃

治太陽症如瘧狀。熱多寒少。

小建中湯

桂枝

白芍 焙

生姜

甘草

大棗

飴糖

大承氣湯

大黃

芒硝

厚朴

枳實

治陽邪入裏。胃實不大便。發熱。詘語。自汗。不惡

寒。痞滿燥實。雜病三焦大熱。脈沉實者。

大青龍湯

麻黃 大棗

桂枝

甘草

杏仁

石膏

生姜

治太陽中風。脈浮緊。身疼發熱惡寒。無汗煩躁。

又脈浮數。身重不痛。乍有輕時。無少陰症。

小青龍湯

麻黃

桂枝

白芍

細辛

甘草

五味子

乾姜 半夏

治傷寒不解。心下有水氣。發熱乾嘔而咳。噎喘。

渴利。小便不利。少腹滿。短氣不得卧。

麻黃附子細辛湯  
麻黃 附子 細辛

此治少陰症始得之。反發熱。脉沉者。

四逆湯  
附子 乾姜 甘草 冷服

治三陰傷寒。裏寒外熱。四肢逆冷。脉微細。

升麻葛根湯  
升麻三錢 葛根 白芍各二錢 甘草一錢  
加姜

治陽明傷寒。中風頭痛發熱惡寒。無汗口渴目

痛。鼻乾不卧。及陽明發斑欲出不出。

解肌湯  
葛根 麻黃 黃芩 大棗 芍藥 甘草

此方治傷寒溫病

地骨皮飲  
地骨皮 柴胡各二兩 知母 炙甘草 龍甲  
黃芩 人參各二錢半 赤苓五錢



治小兒骨蒸潮熱往來心膈煩悸及傷寒後氣

未解每歲用末二錢加姜梅各一片煎

### 地骨皮散

知母 炙草 半夏 銀柴胡 人參 地骨皮 赤苓各等分 每末二錢加姜三片煎量兒大小加減 驚熱加蟬退天麻黃芩若加秦芫名秦芫飲子

治虛熱潮作亦治傷寒壯熱及餘熱

### 玉露飲

寒水石 石膏各一兩 甘草三錢 每末五分至一錢溫水下

治煩躁頰赤咽乾不卧身熱頭痛兼中暑發渴

昏悶小便秘驚氣入腎夢中咬牙

### 萬安飲

人參 當歸 生大黃 柴胡 枳壳 半夏 白芍 防風 黃芩 甘草各一兩 滑石末六兩 每末二錢加姜煎 此方藥品之外惟可加枳壳半夏

主不拘表裏症能宣通氣血疎解風寒寧心化

痰去煩理熱并可常服

黃連解毒湯

黃連炒三錢  
黃芩炒二錢

黃柏炒五錢  
每二三錢煎

梔子四枚  
亦治熱痢

治時疾三日汗已解煩悶口嘔口燥發熱

至寶丹

生犀角

生玳瑁

琥珀

硃砂

雄黃各一

兩

金箔五十片

半為衣

銀箔五十片

冰

片一匙

麝香一錢

牛黃五錢

安息香一

兩半為末

酒淘去砂

取一兩

酒煎成膏

右各

研再和研勻

人安息膏

如乾量

人熟蜜

九桐子

大每

一二九

參湯

下量

大小加減

此方治驚癇心熱卒中客忤煩躁風涎搐搦及

傷寒狂語伏熱嘔吐

酸棗仁湯

棗仁

甘草

生地

山梔

麥冬

當歸身

人參

等分

加燈

心不拘

時服

當歸

熟地各二錢

白芍

川芎各一錢

四物湯

治血虛發熱煩躁或晡熱作渴頭目不清

香瓜丸

大黃瓜一枚

胡黃連

煨大黃

柴胡

鼈

甲黃柏

黃連

蘆薈

青皮等分

諸藥

為末將黃瓜

去頂內

入至滿

蓋口竹釘

釘住煨

熟將瓜藥同

研糊丸每

二三九

食後新水

下大

者五七九不及十九

### 十全大補湯

白朮 茯苓 當歸 人參 川芎 黃芪  
白芍 肉桂 熟地 炒甘草各等分

治諸虛不足自汗不食時發潮熱

### 當歸六黃湯

當歸 熟地 生地 黃芩 黃柏 黃連  
黃芪

此方治血虛盜汗內熱晡熱者

### 升麻湯

升麻 黃芪 人參各一兩 熟地五錢  
竹黃 牡蠣各五錢 每末五分至一錢  
竹葉 湯調下大治小兒肌熱盜汗

### 涼膈散

大黃 朴硝 灸草各一兩 連翹二兩  
梔子 黃芩 薄荷各半兩 每末二錢  
加竹葉 七片蜜少許煎溫服大小加減

治小兒一切臟腑積熱症

### 仙方活命飲

金銀花 橘皮各三錢 穿山甲 角刺 防  
風 沒藥 乳香 白芷 當歸各一錢  
貝母 花粉 甘草節各八分 每粗末五錢  
酒煎嬰兒一兩母子同服或為細末酒調服亦可

化丹湯

毒在表者加麻黃散 毒在內者加大黃下之  
臨時制宜此解毒回生起死妙劑  
獨活 射干 麻黃 甘草 青木香 黃芩  
薄荷 桂枝 各五錢 石膏末 每二錢煎

此方解利丹毒遍身燥痒發熱煩啼

升麻散

升麻 黃芩 大黃 朴硝 各一分 麥冬  
葛根 各三分 每粗末一錢煎

治小兒一切丹毒遍身壯熱煩渴

升麻膏

升麻 大黃 護火草 蛇銜草 山梔 寒  
水石 芒硝 藍葉 生地 芭蕉根 羚羊  
角 梧桐皮 各半兩 臘豬油 一斤慢火熬一  
食久乘熱濾去渣入竹瀝候冷成膏每以棗大  
竹瀝化服并塗毒處

戎鹽散

戎鹽一兩 附子一枚 雄黃半兩 每末少  
許雄雞血調塗

嬰孺方

麻黃 升麻 各三分 硝石四分 每末方寸  
七井花水服日三 一方加大黃

主丹毒入腹及下至卵者不治方

天竺黃散

天竺黃 鬱金 茯神 甘草 各五錢 礪砂  
牙硝 白芷 川芎 姜蚕 枳壳 各二錢

半 硃砂二錢 麝香一字 蟬壳十五個  
每末五分至一錢薄荷湯下

治上焦風熱口鼻生瘡目赤腫咽膈不利涎壅  
氣滯驚搖煩悶神思昏迷

### 清胃散

升麻五分 生地四分 黃連 丹皮各三分  
歸梢四分 嬰兒母亦服

治胃熱牙疼飲冷作渴口舌瘡唇口腫痛連頭  
面吐舌流涎若服尅伐藥有此等症者五味異

### 功散

### 人參平肺散

人參 陳皮 甘草 地骨皮 茯苓各一錢  
知母七分 五味子 青皮 天冬各四分  
桑皮一錢半 每粗末二三錢煎

此方治心火尅肺金傳為肺癰咳嗽喘嘔痰涎

壅盛胸膈痞滿咽隘不利

### 錢氏益黃散

陳皮一兩 青皮 訶子肉 炙甘草各五錢  
丁香二錢 每末二錢食前煎服

此方治脾胃虛寒。又名補脾散。

### 錢氏瀉黃散

藿香葉七錢 山梔 石膏各五錢 甘草三兩 防風四兩 右剉用蜜酒炒微黃為末每錢至二錢煎溫服。又名瀉脾散。

治作渴飲冷手足熱身發黃屬胃經實熱。

### 平胃散

厚朴五兩 陳皮 炙草各一兩 蒼朮五錢 每末二錢姜棗湯調服。

治脾胃不和。不思飲食。心腹脹痛。口苦短氣。惡

心噯氣吞酸。面黃體瘦。嗜臥。霍亂吐瀉。

### 調中丸

白朮 人參 甘草各五分

此方治脾胃虛寒。

### 健脾飲

厚朴 人參各一兩 茯苓 半夏 肉豆蔻 益智仁 香附 良姜 東壁土炒 訶子肉 各二錢半 炙草五錢 每粗末二錢加姜二片棗一枚煎。

主健脾胃。理嘔吐。治瀉利。及諸病後虛弱。有痰。

惡心腹微痛。飲食減。精神慢。並宜服。

### 藿香飲

人參 半夏 赤苓 炙甘草 各一兩 蒼朮 二兩 陳皮 藿香 各七錢半 厚朴 兩半 每咬咀 二錢加姜 二棗 一煎 空心服 或加燒鹽 少許

主理虛化痰。及治脾胃不和。飲食少進。

### 健脾散

茯苓 人參 各一兩 厚朴 二兩 蒼朮 四兩 陳皮 五兩 甘草 二兩 半生 炙 草果 兩 陸錢 每末 一錢加姜棗煎量大小加減再能 和養小兒胃氣

### 調中飲子

肉豆蔻 白朮 人參 陳皮 訶子肉 茴香 炙草 砂仁 各五錢 藿香葉 檳榔 桂心 各三錢 每末 五分至一錢加姜棗煎量 大小加減

此方治小兒諸疾

### 香茹飲

香茹 三兩 扁豆 厚朴 各一兩半 生草 二兩 每粗末 二錢煎

治夏秋臟腑冷熱不調。飲食不節。吐痢腹痛。發

熱煩悶。

六和湯

人參 砂仁 炙草 杏仁 半夏各一兩  
扁豆一斤 藿香 赤苓 木瓜各二兩 香  
茹 厚朴各四兩 每二錢加姜二片棗一枚  
煎或加鹽半字

治心脾不和氣不升降霍亂吐瀉胸滿咳嗽冒

暑伏熱煩悶成痢中酒作渴心逆畏食

守胃散

人參 白朮 山藥 茯苓 南星 扁豆  
甘草 葛根 藿香 防風 天麻各五錢  
每二錢加姜二片冬瓜子仁五十粒打碎煎空  
心服 瀉不止加沉香白豆蔻

治陰陽不和吐瀉不止預防風症常調脾胃

理中湯

人參 白朮各一兩 甘草 乾姜各二錢半  
每末半錢或一錢溫湯空心調服

主溫脾煖胃冷吐冷瀉及胎氣虛中寒腹痛

四君子湯

人參 白朮 茯苓 炙草 等分 每二錢  
加姜棗煎

治小兒脾胃虛損吐瀉少食

六君子湯

人參 茯苓 白朮 炙草 半夏 陳皮



治脾胃虛吐瀉不食羸瘦或肺虛痰嗽喘促或

肝虛驚搐目眩自汗

觀音散

石蓮肉 人參 神曲各三錢 茯苓二錢  
炙草 木香 黃芪 扁豆 白朮各一錢  
每粗末二錢加棗一枚藿香三葉煎

和中散

治小兒外感內傷嘔逆吐瀉漸羸瘦

和中散

人參 茯苓 白朮 炙草 葛根 白扁豆  
黃芪 藿香 每末二三錢加姜棗煎

此方和胃止吐瀉定煩渴治腹痛

胃苓湯

白朮 茯苓 澤瀉 豬苓 厚朴 陳皮  
甘草等分 桂少許 每二錢加姜燈心

治腸胃受溼嘔吐泄瀉若停食吐瀉小便短少

腹脹作痛以此分利再用六君調補脾胃

消積丸

丁香九粒 砂仁十二粒 巴霜二錢 烏梅  
肉二個 糊丸溫水下

此方治小兒吐瀉大便醋臭

肉豆蔻散

肉豆蔻 桂心各一分 人參 炙甘草各五錢  
每粗末一錢加姜少許煎隨大小加減

此方治小兒霍亂吐瀉腹痛

白朮散

白朮 人參 半夏各二錢 茯苓 炙甘草  
乾姜各一錢 每末二錢加姜棗煎

此方治小兒嘔吐脉遲細有寒

參香飲

人參一兩 沉香 丁香 藿香 南木香各  
二錢五分 每二錢煎入姜汁少許三次服

此方治胃虛作吐投諸藥不止

香菇散

香菇 茯苓 扁豆 厚朴各五錢 每二三  
錢煎入酒半杯冷服立效

治外傷風寒暑內傷飲食致吐利心腹痛霍亂

氣逆發熱頭痛或轉筋拘急嘔噦肢冷

竹茹湯

葛根七錢 半夏五錢 炙甘草三錢 每二三  
錢入竹茹三分煎微冷服加茯苓三錢妙

治胃受邪熱心煩喜冷嘔吐不止

玉露飲

寒水石五錢 生甘草一錢 石膏六錢 每  
末三五分至一錢食後溫湯調服

此非腎熱相火大盛者。不宜服。

### 大順飲

細麵二十兩 生姜十六兩 赤苓 甘草各五錢 先搗成餅晒乾為末每二錢水調

治冒暑毒煩渴吐瀉發熱腹痛神昏吐衄血便血溺黃少口乾汗多。

### 菘豆飲

菘豆粉一兩 黃連 葛根 甘草各五錢 每五分至一錢豉湯調服

主誤服熱藥毒煩躁悶亂或吐或渴。

### 益元散

滑石六錢 甘草一錢 每一錢至二錢水調

治熱吐面赤氣粗小水少傷暑吐神昏尤妙。

### 烏犀丸

皂莢三寸炙存性 硫黃 白姜各三錢半 陳皮 川烏各五錢 巴霜七十七粒

主諸積滯夾驚夾風吐逆醋酸氣面黃肌瘦。

### 茯苓厚朴湯

茯苓 半夏各七錢半 炙草三錢 厚朴五錢 每以咀二錢加姜煎或加棗亦可

此方主傷寒傷風夾痰嘔逆并吐瀉後喉涎牽

響飲食減少脾胃氣虛。

### 防風溫膽湯

半夏 枳壳 赤苓各五分 陳皮 防風各二分半 人參二分 甘草一分半 姜一片 紫蘇二葉 煎水送大驚元小驚元

此方治驚風消痰疏風順氣。

### 大驚元

棗仁 蚌粉炒 炙草各五錢 人參 赤苓 白朮 硃砂 麥冬 木香 代赭石醋煮各二錢半 姜蚕 桔梗各一錢二分半 全蝎三個 金銀箔各二三片 蜜丸薄荷湯下一二丸

### 小驚元

此方定驚安神又治心熱夜啼。一名大安神丸  
鬱金 皂角水浸煮 黃連 牙硝 木香 藿香 龍胆草各二錢半 全蝎三個 糊丸以雄黃硃砂麝香金銀箔為衣薄荷湯化下一二丸

此方亦治驚風。

### 溫白丸

姜蚕 白附子生 南星炒各一兩 天麻生 五錢 全蝎一錢 糊丸 菜豆皮生 姜米飲

此方治慢驚風。

加味木附湯

炮附子 白朮各一兩 煨肉蔻二個 木香  
炙草各五錢 每粗末二錢加姜棗

此方治吐瀉後便成慢驚或因臟寒洞泄得者。

八仙散

天麻 白附子 白花蛇肉 防風 半夏曲  
南星 全蝎 冬瓜仁各二分半 川烏一  
分 姜二片 棗一枚 薄荷二葉

此方治慢驚虛風。

烏蝎散

白朮 人參 茯苓 炙草 川烏 全蝎  
南星 姜三 棗二

此方治慢驚純陰症吐瀉不止。

蟬蝎散

全蝎七個 蟬退二十一個 南星一個 甘  
草分半 每粗末二錢加姜三棗二煎

此方治慢驚風陽症。

黑附湯

泡附三錢 木香錢半 白附子一錢 炙草  
五分 分二帖 加姜三片煎以匙灌下

此方治慢脾風危急者灌下藥如手足煖而甦

即止勿灌

### 生附四君子湯

人參 茯苓 白朮 炙草 生附子各等分  
每末二錢加姜五片煎以匙灌下

此方治慢脾風灌藥手足煖即止助胃回陽

### 蝎附散

炮附子二錢 炮南星 炮白附子 木香各一錢 全蝎七個 咬咀一錢加姜五片煎

此方治慢脾風回陽豁痰

### 補脾益真湯

丁香 木香 訶子皮 陳皮 厚朴 肉豆蔻 草果 茯苓 人參 白朮 桂枝 半夏 炮附子 炙草各二分 全蝎一枚 姜二 棗一 灌服後輕揉心下以助藥令

此方治慢脾風

### 全蝎觀音散

人參一錢 蓮肉 神曲各三分 茯苓分半 白朮 黃芪 木香 扁豆 甘草各二分 羌活 防風 天麻 全蝎各一分

此方治吐瀉後成慢驚風亦治慢脾風

定魄丸

人參 琥珀 茯神 遠志 硃砂 天麻  
石菖蒲 天冬 棗仁 甘草 等分硃砂為衣

此方治因驚發癇

沉香天麻湯

羌活五分 獨活四分 防風 天麻 半夏  
炮附子各三分 沉香 益智 炮川烏各  
三分 姜梢 當歸 甘草 各一分半 姜  
三片煎先灸兩躡脉各七壯

此方治因驚成癇發搐痰涎壅塞目多白睛項

背強急喉中有聲神思如痴

三癇丹

蜈蚣一條 胆星二錢 全蝎 防風 白附  
子 遠志 蘆薈 延胡素 硃砂各一錢  
麝香一字 金銀箔各三片 糊丸薄荷湯下  
梧子大一丸

此方治急驚為癇

十全丹

陳皮 青皮 莪朮 川芎 白豆蔻 五靈  
脂 枳榔 蘆薈各五錢 史君子 木香  
蝦蟆灰各三錢 豬胆汁浸糕和丸麻子大米  
飲下二三十丸

此方治丁奚哺露無辜壞症。

### 布袋丸

夜明砂 史君子 蕪荑各二兩 蘆薈 人參 白朮 茯苓 甘草各五錢 蒸餅九彈子大每一丸布袋盛同精豬肉二兩煮肉爛提  
起藥挂風處陰乾只用肉和汁與兒吃次日又  
煮服藥盡止

此方治丁奚哺露無辜疳。

### 小兒清心丸

人參 茯神 防風 硃砂 柴胡各二錢金箔三十片 蜜丸每一丸竹瀝化下

此方治諸熱及驚熱煩躁。

### 牛黃奪命散

白丑半生半 黑丑半生半 熟各取頭末五錢 大黃一兩 枳榔二錢半 木香錢半 輕粉一字 每末一錢至二錢蜜水調下微利為度 一名一捻金

此方治小兒肺脹胸滿喘粗氣急兩脇肩動兩

鼻竅張痰涎潮塞悶亂喘渴死在旦夕者。

### 葱豉湯

葱白 淡豆豉



此方主表散。

清燥救肺湯

霜桑葉三錢 炒杏仁七分 麥冬一錢二分  
石膏二錢五分 人參七分 阿膠八分  
胡麻仁 甘草各一錢 枇杷葉一片 食遠

服

沈氏尊生書卷六

幼科釋謎

諸病應用方

千金藿香湯

藿香一兩 生姜三兩 青竹茹 炙草各半兩 每五六錢煎 熱加升麻五錢

此方治毒氣吐下腹脹逆害乳哺

殊聖歸命丹

丁香 藿香各一分 生犀 牛黃各半錢 豬鯽狗蝟熊胆各錢半 丸梧子大一歲以下用苦楝湯化下二丸隨兒大小加減

治小兒驚吐不止并吐黃水及乳食神效

半夏散

半夏一兩 陳糯米三錢 加姜五片 棗一枚

此方治小兒胃虛嘔吐水穀不化

白附飲

白附子 南星生 半夏生 川烏生 天麻 陳皮 南木香 全蝎 姜蚕 丁香各二錢 每粗末三錢加姜三片煎作五次空心溫服

治肝風剋脾土。痰涎壅盛。和飲食吐出。

張煥三香丹

藿香葉 丁香各一兩  
為末次入 膩粉一分  
半夏五錢 三味  
姜汁糊丸 黍米大每十九人參薄荷湯下 量大小加減

此方治挾驚嘔吐不止。

守中湯

桔梗 蒼朮各二兩 炮姜四錢 炙草六錢  
每末一錢 空心湯服 煎亦可

治春夏相交。陰溼氣重。中傷脾胃。致腹痛洩利。

久不止。漸傳手足浮腫。飲食少思。

香連丸

姜炒黃連二兩 煨木香五錢 米飯丸每一  
二十九米飲下

四神丸

肉豆蔻 五味子各二兩 補骨脂四兩 吳  
萸一兩 紅棗五六枚 生姜六兩 水二鍾煮  
乾取棗肉丸每五六十丸 白湯下

治脾胃虛。大便不實。飲食不思。或洩利腹痛。

龍骨散

龍骨 炒黃連各一兩 當歸 枳殼各五錢  
每粗末一錢 煎隨大小加減

此方治小兒暴利。

### 丁香散

丁香 厚朴 黃連 當歸 白朮 訶子肉  
伏龍肝各五錢 木香一分 赤石脂一兩  
每末五分米湯調下 日三服 隨大小加減

治小兒赤白久痢。胃虛不食。漸羸。

### 寬腸丸

枳壳五錢 麻仁 木通 大黃半生半炒  
檳榔 大腹皮各二錢半 蜜丸每三十九至  
五十九丸 枳壳甘草湯下一二歲蜜湯化下

此方治痢後裏急。大便反閉澀不通。

### 養臟湯

人參 炙草各二錢半 白芍 白朮各五錢  
木香 肉桂各一錢 肉豆蔻 訶子肉  
罌粟壳各錢半 每以咀二錢加姜二棗一煎  
空心溫服

此主生津益氣。溫腸止痢。

### 雙金飲

大罌粟壳蜜水炒一兩 大川芎醋炒五錢  
每末一錢至二錢米湯下  
治赤白痢。日夜頻數。及久洩瀉。

萬金散

生罌壳一兩 甘草二兩半 生半炙 陳皮二兩 烏梅一兩 每二錢煎二三沸服

此方治水瀉下痢久不瘥者

神效散

栗壳 白芷 烏梅各一兩 乳香 川芎各五錢 每二錢煎

治赤白痢日夜頻數食減腹痛小便不利

升陽益胃湯

黃芪二錢 半夏 人參 黃連 白朮 炙草各一錢 獨活 防風 白芍 羌活各五分 陳皮 茯苓 柴胡 澤瀉各三分 姜

棗各二 黃連炒 牡蠣服各五錢 烏梅肉 炙甘草 訶子肉各一分 每末一二錢煎

黃連散

治小兒痢渴煩熱吃水不知足

紫霜丸

代赭石醋煨 杏仁霜 乳香 朱砂 木香 各一錢 黃連一分 輕粉五分 麝香少許

巴霜十粒 內豆蔻二个煨 糊丸每七丸至十四丸米湯下

治久積胸高羸瘦赤白痢腹痛甚

桔梗丸

桔梗 神曲各一兩 麥芽 烏梅肉 厚朴 人參 白朮 赤石脂 黃芩 炙甘草

桂心 龍骨各五錢 黃連一兩 黃雌雞骨  
一具去肉淨酒浸炙 蜜丸每十五丸

此方治小兒久痢羸瘦食不消

### 止渴聖效散

白芷半生半炒 葛根各二兩 京墨二兩半  
生半煨 黃丹二兩半生半炒 每細末五分  
倒流水調下

治小兒因吐利氣虛津液減耗生疳煩渴飲水

不休面腫脚浮腹大頸細尿白不吃食

### 七氣湯

半夏五兩 人參 辣桂各一兩 甘草五錢  
每末三錢加姜五棗一煎

治七氣所傷痰涎結聚心腹亦痛不能飲食

### 蓬莪朮散

蓬朮 當歸各一兩 木香 人參 桂心各  
五錢 黑牽牛一分 糊丸黍米大每十九淡  
姜湯下隨兒大小加減

### 史君子丸

史君子肉 板榔 檳榔皮 大黃半生半炒  
各七錢半 糊丸麻仁大每服三四十九  
治腹內諸蟲作痛口吐清水

二聖丸

檳榔一兩 巴霜十五粒 糊丸每七十七丸  
五更茶下投藥見蟲下盡即進稀粥

此方治腹內諸蟲并消穀逐水下氣去風

芍藥甘草湯

白芍一兩 甘草二錢半

此方治出疹肚腹痛滿小便不通

塌氣丸

胡椒一兩 蝎尾去毒五錢 糊丸粟米大每  
五七丸至一二十九丸米飲下 一方有木香一

錢 錢氏及潔古所用塌氣丸乃此二味切不  
可誤用有牽牛者慎之

五疳保童丸

生五倍子 夜明砂 青黛 苦楝根皮 盧  
薈 熊胆 黃連 生龍胆草 乾蟾皮去骨  
炙麝香 蕪荑仁 蟬退 等分米糊丸麻  
子大一歲二十九丸米湯下二三服

此方治五種疳疾

中滿分消丸

黃連 枳實 厚朴各五錢 乾姜 姜黃  
豬苓 砂仁 澤瀉 茯苓各三錢 陳皮  
白朮各一分 半夏四分 黃芩一兩二錢

甘草一分 蒸餅丸黍米大每二十九丸

丹腹脹方

葛根 蘇梗 萊菔子 陳皮各二錢 甘草  
一錢 食減加白朮

升陽滋血湯

蝎梢二分 神曲三分 厚朴 當歸各一錢  
桃仁十粒 升麻三分

治嬰兒腹脹不大便羸弱

南星腹皮湯

南星一兩 大腹皮 姜皮 陳皮 扁豆子  
青皮 桑皮 甘草各五錢

主腫疾欲愈未愈之間脾胃虛慢氣促痰喘腹

脹胸滿神困面色痿黃小水不利

香陸胃苓丸

丁香 商陸 赤小豆 陳皮 炙草各二兩  
製蒼朮 澤瀉各二兩半 赤苓 豬苓去

皮 白朮各兩半 肉桂一兩 厚朴二兩  
糊丸每三十九丸至七十九丸溫湯下

治腫疾久不愈大能實脾導水多服取愈

濬川丸

大戟 芫花醋炒 沉香 檀香 木香 檳榔 莪朮 大腹皮 桑皮各五錢 黑白牽

牛生未各一兩 巴霜十五粒 糊丸麻子大  
每十七丸濃葱湯五更初空心下去水未盡停

一日減用十三丸次減作九九再至七丸症退  
即止仍投南星腹皮散如單腹脹甚能飲食氣

壯者加甘遂末同丸忌甘草以相反也



治水腫。單腹脹。氣促氣減。遍身面浮。

### 營衛飲子

當歸 熟地 人參 茯苓 川芎 白木  
炙草 白芍 枳壳 炙黃芪 陳皮

治氣血俱虛。營衛不順。頭面手足浮腫喘急。

### 分氣飲子

五味子 桔梗 茯苓 炙草 陳皮 桑皮  
草果 大腹皮 白木 枳壳 當歸全

紫蘇 半夏 蘇子 生姜 宜兼服八味  
理中丸 以上宜救生丹通利

### 大效神功救生丹

雄黃 硃砂各一分 巴霜二十一粒 乾姜  
二錢 醋一盞煮巴姜乾去姜將巴出油和雄  
硃研勻雪糕丸麻子大一歲二丸酒浸赤芍少  
許送下

治氣虛喘急。四肢腫。腹脹急。衝滿脇肋。乍熱乍

寒。或瀉或秘。由久停虛積。營衛不順也。宜推去

其惡毒之氣。

### 芪歸湯

蜜炙黃芪一兩 酒當歸 白芍 川芎各五  
錢 炙草三錢 每咬咀二錢煎

治兒稟賦弱。豆瘡出不快。及肝虛目視不明。

莊氏蘆薈丸

蘆薈研一錢 龍胆草炒研一兩 皂角三錢  
以水二升搗汁去渣熬膏入二末和丸每三九  
至五九薄荷湯下

此方治小兒風疳順肝氣進飲食

硃砂安神丸

硃砂四匙 黃連 生地各五錢 生甘草二  
錢半 蘭香葉二錢 燒灰 銅青 輕粉各五  
分 共為末乾敷上

治心疳怔忡心中痞悶

四味肥兒丸

黃連炒 蕪荑 神曲 麥芽 等分 水糊  
丸每二十九丸開水下

治嘔吐不食腹脹成疳作瀉或食積脾疳目翳

口瘡斷爛發熱瘦怯小便澄白腹大筋青

補肺散

阿膠一兩半 茯苓 馬兜鈴 糯米各五錢  
杏仁二十一粒 炙草四錢 每末二錢煎

此方治久嗽肺虛氣促有痰惡心

調元散

山藥五錢 人參 茯苓 茯神 白朮 白  
芍 熟地 當歸 黃芪各二錢半 川芎

艾草各三錢 石膏六錢 每粗末二錢入姜  
二棗一煎

主元虛顛開羸瘦腹大并語遲行遲齒遲

### 萬應丸

五倍子 胡黃連 青皮 陳皮 黃柏 神  
曲 麥芽 三稜 莪朮 蕪荑 龍胆草  
枳榔 川棟子肉 使君子 等分糊丸麻仁  
大每三五七十九丸米湯下

治諸疳症胃熱髮作穗痿黃飲食不進

### 聖惠乾蟾丸

乾蟾一枚 蛇蛻一錢 穀精草二兩 胡黃  
連 瓜蒂 母丁香 牛黃 水片 硃砂  
雄黃 天竺黃 蘆薈 麝香各一分 青黛  
五錢 糊丸一二歲以米泔化下五丸服後桃  
柳枝湯浴兒着青衣疳蟲當出衣上及眉髮邊  
如細麩或如塵毒黑者不治黃白色易治仍宜  
米飲下二丸日三服甚者半月內差

此方治五疳及驚風出蟲定死生

### 聖惠金蟾散

乾蟾一枚 夜明砂 桃白皮 樗白皮 地  
榆 黃柏 訶子肉 蕪荑 百合 人參  
大黃 黃連各三分 胡粉三錢 丁香三粒  
枳榔一分 每五分飲下日三服

治積疳蟲蝕脊脊煩渴下利拍背如鼓鳴

### 紫金散

蛇床子炒黑 黃丹 地龍炒黑各五錢  
青礬煨一分 每一字揩牙齦日三次

此方治小兒走馬疳

### 秋霜散

好砒半兩 白礬四分 水一盞煮砒乾入礬  
同煨為末入麝坯子各少許研勻每一字用鷺  
毛點拭牙齦上日三四次

此方治小兒崩砂

### 錢氏金華散

黃柏 黃連各半兩 黃丹火飛一兩 輕粉  
一錢 麝香一字 先研勻水洗貼之

此方治小兒一切溼瘡癬疳

### 化蟲丸

蕪荑 蘆薈 青黛 川芎 白芷梢 胡黃  
連 黃連 蝦蟇灰等分 豬胆汁浸糕糊丸

麻子大每二十丸食後臨卧杏仁湯下在鼻  
常用熊胆煎湯筆蘸洗俟前藥進數服卻用青  
黛當歸赤小豆瓜蒂地榆黃連蘆薈雄黃為末  
入鼻欽瘡

治諸疳生蟲不能啼哭嘔吐清水肚腹脹痛唇

口紫黑。腸頭溼。慝。

### 集聖丸

蘆薈 五靈脂 夜明砂 砂仁 橘紅 木  
 香 莪朮 史君子肉各二錢 川芎 黃連  
 乾蟾各三錢 當歸 青皮各一錢半 雄  
 豬胆汁和麵糊丸 隨大小米飲下 虛去莪朮青  
 皮加人參二錢 白朮三錢 熱去莪朮砂仁加  
 龍胆三錢 吐瀉下痢去莪朮青皮加白朮二  
 錢 肉果訶子各一錢 積痛去芎歸加三稜小  
 茴川棟肉各二錢 瘧加鼈甲三錢 渴去莪  
 朮砂仁加參朮各二錢 蟲去芎歸加蕪荑錢  
 半川棟肉二錢

此方不熱不寒。補不滯。消不耗。萬穩萬當。

### 柴胡散

柴胡 葛根 知母 貝母 茯苓 茯神  
 炙草 等分 每末一錢加小麥煎

此方治小兒疳熱。四肢如柴。不能起止。

### 大黃丸

大黃 地黃 茯苓 當歸 柴胡 杏仁各  
 三分 蜜丸 麻子大 飲下 五九日 三

治小兒胃氣不調。不嗜食。不長肌肉。

### 保和丸

神麩 山楂 半夏 茯苓各一兩 萊菔子  
 陳皮 連喬各五錢 粥丸 湯下 三十九

主飲食停滯。胸膈痞滿。噯氣吞酸。吐瀉腹痛。

### 甘遂破結散

甘遂煨黃二錢半 青皮 黃芩 煨大黃各五錢 每末一錢煎隨大小加減得通利則止以冷粥補之

### 進食丸

巴霜一錢二分 當歸 硃砂 代赭石 枳壳 木香各五錢 麝少許 糊丸麻子大一歲一丸飲下更量虛實加減

治食積發熱羸瘦肚大筋青疳積腹疼。

### 白餅子

滑石 輕粉 半夏 南星各一錢 巴霜二錢 糯米飯丸麻子大捏作餅三歲以上三五餅四歲以下一二餅臨卧葱白湯下

治小兒腹中有癖不食但飲乳是也。

### 六聖丸

莪朮 黃連 陳皮 炮姜各五錢 木香二錢半 每末一錢同巴霜三粒研醋糊丸麻子大每十五丸至三十五丸更姜湯下利三五行勻氣散調補

治諸積和胃大能止氣厚腸消疳快膈。

水晶丹

南星 半夏各三錢 滑石四錢 輕粉五十  
貼 蕪荑二百片 巴霜十五粒 糊丸麻子  
大每十五丸三十五丸五更葱白汁下過三五  
行勻氣散調補下風痰姜湯下

治驚食蟲積腹脹煩啼面黃食減此非可輕用之劑

沉香檳榔丸

沉香 檳榔 檀香 木香 三稜 丁香  
神曲 莪朮 麥芽 厚朴 史君肉 蒼朮  
青皮 砂仁 益智仁 香附 枳壳 良  
姜各五錢 炙草一兩半 蜜丸芡子大每一  
丸湯化或二丸亦可

治諸積癖腹脹作疼諸疳蟲積

良方妨香丸

珠砂一兩 牛黃 冰片 麝香各二錢半  
金箔十四片 粉霜 膩粉各一錢 黃蠟二  
兩 巴霜一百二十粒

治小兒虛中積潮發寒熱心腹脹滿疼痛

取癖丸

甘遂炒 芫花炒 牽牛半生半炒 辣桂  
蓬朮 青皮 木香 桃仁 五靈脂各二錢  
巴霜一錢 糲丸麻子大每一二九蜜湯下  
利後冷粥補仍和胃

此乃峻劑。非實積危甚不可用。

### 積滯木香丸

木香 莪朮 砂仁 青皮 硃砂 代赭石  
各二錢 丁香 巴霜各一錢 糊丸麻子大  
每二三丸乳傷乳汁下食傷米飲下

治吐乳瀉乳氣酸臭。肚硬熱渴。吐瀉為食積。腹

痛利黃為氣積。及瘧癖。

### 錢氏白朮散

人參 白朮 木香 茯苓 炒甘草 藿香  
葉各一兩 葛根二兩 粗末一二錢煎

此方助脾和胃。調中益氣。良聖藥也。

### 梔子柏皮湯

梔子八枚 黃柏一兩 炙草五錢 每呿咀  
二錢煎

此方治傷寒身黃發熱。

### 化癖丸

巴霜半兩 膩粉 硃砂各一錢 黃鷹糞二  
兩半 雄雀糞 礪砂各一字 糯米飯丸黍  
米大一歲兒二丸空心皂莢子湯服取下惡物  
為度

治乳癖結塊久不消化。諸藥罔效。



大茵陳湯

茵陳一兩 大黃三錢半 梔子大者三枚  
煎分三服日三當利下惡汁黃從小便出

治陽明痰熱在裏發黃小便秘腹微滿

加減瀉黃散

黃連 茵陳各五分 黃柏 黃芩 山梔  
茯苓各三分 澤瀉二分 食後一服減半待  
五日再服而良愈

此方主退脾土復腎水降心火

阿膠散

阿膠一兩半 牛蒡子 炙草各二錢半 馬  
兜鈴五錢 杏仁七個 糯米一兩 每末一  
二錢煎 杏仁本瀉肺非若人參天麥冬之補  
也當以意消息之 又名補肺散

清肺飲

柴胡二兩 人參半兩 杏仁 桔梗 赤芍  
荆芥 枳殼 桑皮 五味子 熟半夏  
麻黃各一兩 旋覆花五錢 甘草兩半 每  
末二錢入姜二葱白一或薄荷亦可

治肺受風邪客熱嗽聲不斷氣促喘悶痰壅鼻

塞流涕失音及疹毒痘瘡涎嗽咽痛煩渴

解表散

麻黃 杏仁 赤苓各一兩 川芎 防風  
枳殼各一兩五錢 甘草七錢半半生半炙

每末二錢加姜二葱白一煎 有熱加薄荷葉

主傷風感冷喘嗽痰多嘔吐瀉利驚悸

### 錢氏葶藶丸

甜葶藶隔紙炒 黑牽牛炒 杏仁研 漢防已各一兩 棗肉丸麻子大每三五七丸淡姜湯下量兒大小加減

治乳食衝脾傷風咳嗽面赤痰盛身熱喘促

### 瀉肺湯

桑皮 地骨皮各一兩 炙甘草三錢 每以咀二錢加粳米一百粒煎日二

治傷風後五心煩熱咳嗽喘促唇紅頰赤

### 黃芩半夏生姜湯

黃芩 生姜各一錢 炙甘草 白芍各六分 棗二枚 半夏一錢五分

此方治膽腑咳嘔苦水若胆汁

### 甘桔湯

甘草 桔梗各一錢

治心臟咳喉中如梗甚則喉腫喉痺

### 烏梅丸

烏梅三十個 細辛 附子 桂枝 人參 黃柏各六錢 乾姜 黃連各一兩 蜀椒

當歸各四兩 即用烏梅肉酒浸一宿和飯粒  
搗丸每十丸湯下

治胃腑咳而嘔嘔甚長蟲出

茯苓甘草湯 茯苓二錢 桂枝二錢半 生姜五片 甘草一錢

治膀胱咳而遺溺

琥珀散 辰砂一錢半 琥珀 牛黃 姜蚕 胆星 白附子 全蝎 代赭石 天麻 枳壳 乳香各一錢 每末一二分白湯調下 此方兼治癰症

治急慢驚涎潮昏盲目瞪驚搐內釣腹痛

聖惠射干散 射干 麻黃 紫苑 桂心各五錢 半夏一錢 炙草二錢 每末一錢煎入蜜半匙

此方治小兒咳嗽心胸痰壅攻咽作呀呷聲

桔梗湯 桔梗 半夏 蘇葉 石膏 炙草各半兩 皂莢燒存性一分 每末一錢加姜三煎

此方治小兒咳嗽呀呷咽膈不利

知母湯 知母 甘草各半兩 貝母 羌活 滑石 大黃 小麥各三錢 麻黃 苦苧 藜 訶子

肉各一錢半 薄荷二錢 每呿咀二錢加姜二片煎

治齁齰氣喘。痰鳴發熱。咳嗽惡風。

### 坎離湯

華澄茄 石菖蒲各一錢 白朮 茯苓 木香各二錢 炙草 半夏 紫子各四錢每呿咀二錢煎不拘時服

### 小柴貼

此方治虛喘。日輕夜重。食減神昏。

### 化痰定喘丸

雄黃 硃砂各一錢 蟬退 全蝎 姜蚕 地龍 南星 白附子各二錢半 輕粉五分 糊丸麻子大每三十九丸薄荷茶清下

### 二聖散

治因驚發喘。逆觸心肺暴急。張口虛煩神困。訶子肉大者十枚半生半炙 大腹皮洗淨焙五錢 每粗末二錢煎

治風痰壅閉。語音不出。氣促喘悶。似搖非搖。

### 定喘飲

人參 麻黃 防已 訶子肉 半夏 甘草 各五錢 每二錢加姜二片煎 治夾風痰喘氣促。不拘冷熱二症。

牛黃奪命散

白牽牛 黑牽牛各一兩半生半炒 川大黃 樨榔各一兩 三歲兒每末二錢冷漿水調下 涎多加鳳粉少許

治肺脹喘滿胸膈起急兩脇扇動陷下作坑兩

鼻竅張悶亂嗽喝聲啞而不鳴痰涎潮塞俗云

馬脾風若不治死在旦夕

瀉白散

桑皮 地骨皮各一兩 甘草炒五錢 每末一二錢加米百粒煎 一名瀉肺散

治肺熱骨蒸自汗

小柴胡湯

柴胡半斤 人參 黃芩 炙草各二三兩 半夏二兩半 每粗末三錢加姜三棗一煎小兒分二服更量大小加減

治傷寒溫熱病瘧疾一切寒熱往來能和解

荆芥散

荆芥穗 人參 白朮 黃芪 當歸 白芍 桂各一兩 柴胡二兩 炙草五錢 每粗末五錢煎

備急丸

煨大黃 巴霜 葛根 各等分煉蜜丸每茶  
豆大一丸米飲下壯盛小兒或用一丸半以大  
便快利為度

清脾湯

厚朴一兩 烏梅 半夏 良姜 青皮各五  
錢 炙草三錢 草果仁二錢半 每咬咀二  
錢 加姜二錢煎未發瘧前併三服

二薑丸

治瘧久不瘥者脾胃虛弱形容憔悴

白姜用巴豆九粒同炒去豆 良姜東壁土炒各  
一兩 雄豬胆汁和水丸麻子大硃砂為衣  
熱多溫湯早晨面北空心下 寒多早晨面南  
溫酒下 寒熱均熱湯冷水下

治瘧疾經久不愈者

二仙飲

青蒿二兩 桂枝五錢 每細末一錢未發前  
冷酒調下 斬邪飲治暑瘧尤妙

治諸瘧不拘久近本方加香茹二兩芽茶五錢  
合研名斬邪飲

蘇合香丸

蘇合香五錢入安息膏內 安息香一兩另為  
末酒半升熬膏 丁香 青木香 白檀香  
沉香 藿撥 香附 煨訶子肉 皂莢鎊屑  
硃砂各一兩 薰陸香 冰片各五錢 麝

香七錢半 用安息膏加煉蜜丸 芡子大空心  
沸湯下小兒 一丸 老人二三丸

治傳屍骨蒸諸癆瘵 卒暴心痛 鬼魅瘧疾 霍亂

吐瀉 赤白痢 小兒驚搐

### 地黃膏

豆粉 鬱金各半兩 炙甘草一錢二分 馬  
牙硝一錢 生地汁蜜對分熬膏 丸藥每服兩  
皂子大熱水含化 嬰兒用鷺翎拭口內

### 朱銀丸

水銀蒸棗研如泥 白附子一錢半 全蝎  
南星 硃砂各一錢 天漿子 蘆薈 牛黃  
各五錢 鉛霜五分和水銀煨 冰片一字  
麝香少許 姜蚕炒七個 蜜丸

治胎風壯熱痰盛翻眼口噤 取下胎中蘊受之

毒亦治驚積 但量與

### 沉香飲

沉香 丁香 南木香 藿香葉各二錢半  
陳皮 白朮 半夏 茯苓 肉豆蔻各五錢  
炙草三錢 每末五分至一錢 紫蘇木瓜湯  
調下棗湯亦可

治吐痢後神昏倦怠 食少不化 脾胃氣虛 五心

煩熱盜汗。自汗常出。或聞食惡心。

### 八珍湯

人參 茯苓 白朮 甘草 川芎 當歸 白芍 熟地

治氣血俱虛。陰火內熱。或因尅伐之劑。脾胃虧

損。肌肉消瘦。

### 排風湯

白鮮皮 白朮 白芍 薄荷 防風 川芎 當歸 杏仁 炙草 各五錢 獨活 麻黃 茯苓 各七錢 五分 每二錢加姜二片煎

治中風狂言失音。神昏驚癱。鶴膝及足疾。纔愈。

偶感外風。滿面遍體虛浮。

### 龍腦雞蘇丸

薄荷葉一兩六錢 生地六錢 麥冬四錢 蒲黃 阿膠 木通 銀柴胡各二錢 甘草 錢半 黃芪 人參各一錢 地黃汁熬膏加 蜜丸每二十九丸細嚼湯下一方有黃連

治肺有鬱熱。咳衄下血。熱淋消渴。口臭口苦。

### 逍遙散

柴胡 酒當歸 酒白芍 白朮 茯苓 各一錢 炙草五分 加姜薄荷



治血虛肝燥。骨蒸勞熱。咳嗽潮熱。往來寒熱。口

乾便澀。

### 加味逍遙散

柴胡 當歸 白芍 白朮 茯苓 炙甘草  
各一錢以上逍遙散加 丹皮 山梔各七分  
為加味逍遙散其姜薄荷酌量加否

此方治肝脾血虛等症。

### 三黃丸

黃連 黃芩 煨大黃 等分 煉蜜丸每三  
十丸湯下量大小加減  
治三焦積熱。眼目赤腫。頭頂腫痛。心高煩躁。口

瘡。二便秘澀。五臟實熱。或下鮮血。或瘡癤。

### 大柴胡湯

柴胡四兩 黃芩 白芍各兩半 大黃 半  
夏各七錢半 枳實七錢 甘草一兩  
故加用 每粗末二錢加姜二片煎

此方解利風熱。痰嗽腹脹。及裏症未解。

### 橘皮湯

橘皮 兩半 炙草 竹茹各五錢 人參二  
錢半 每以咀五錢加姜煎

加味清涼飲

當歸 赤芍 炙草 大黃各三分 牛蒡子 山梔各四分

治熱毒積毒在內大便不通而欲痛作渴或患

瘡瘍丹毒

固脾和中散

人參 茯苓 白朮 葛根 炙草 藿香 等分 每末三錢加姜棗煎 扁豆

此方和胃止吐瀉定煩渴治腹痛

黃連香茹飲

黃連 香茹 厚朴

治中暑熱盛口渴心煩或下鮮血

黃芪六一湯

黃芪六兩 甘草一兩 每末五錢煎溫服亦可用湯調下三錢

此方治諸虛不足盜汗消渴

茯苓半夏湯

半夏二錢 陳皮 茯苓 黃芩各一錢 甘草五分 加姜煎

此方端治熱痰壅盛為患

四苓散

豬苓 茯苓 白朮 澤瀉 每末三錢煎服

四杏湯

治風寒溼邪不解煩渴欲飲者。

快膈湯

人參 青皮 砂仁 烏藥 良姜 炙甘草  
香附各一兩 每末一錢加少鹽酒煎

主胸膈不快飲食少能順氣和中消導宿滯。

萬靈丸

木香 黃連 莪朮各一錢 橘皮 青皮各  
二錢 檳榔一錢半一枚 用巴豆一粒醋煮  
杏仁二枚燈火上煨研爛和醋糊丸小茶豆大  
每五七丸薄荷湯下

此方主小兒諸積依形症用之。

東垣鼠粘子湯

鼠粘子二錢 酒歸身 炙草 柴胡 黃芩  
連喬 黃芪各一錢 地骨皮二錢半 每  
咬咀三錢煎服後慢與乳食

治傷寒斑出身表熱急。

小柴胡加梔子湯

柴胡 黃芩 人參 半夏 甘草 山梔  
加姜棗 熱甚去半夏

此方主解利風熱。

連喬飲

連喬 防風 山梔 甘草 等分水煎

治一切熱傷寒熱在外而不厥少陽藥也

### 解毒丸

寒水石研 石膏研各一兩 青黛五錢 蒸餅丸芡子大食後新汲水下或細嚼姜湯下亦可三歲兒半丸隨大小加減

### 參附湯

人參 炮附子 等分

治陽氣虛寒咬牙寒戰手足並冷或吐瀉不食

### 桔梗枳壳湯

枳壳 桔梗各二兩 甘草五錢 每三錢加姜三片煎

治腹脹便秘煩躁作渴或詰妄不安

### 五癩丸

白附子五錢 烏蛇肉 全蝎 半夏 南星 各二兩 蜈蚣半條 姜蚕一兩半 硃砂 雄黃各錢半 麝香三分 皂角二兩打碎用水半碗浸透揉汁入白礬二兩同煎乾為度姜汁湖丸小棗豆大每二三十丸白湯下隨大小加減

此方總治一切癩症

### 家韭子丸

韭子 鹿茸 從容 牛膝 熟地 兔絲子 歸身 巴戟 杜仲 石斛 桂心 乾姜

酒糊丸

治膀胱虛寒不能收攝以致遺溺淋瀝

人參理中丸

人參 白朮 乾姜 甘草

此方端治中焦病或吐下多而腹痛滿

五黃散

黃連 黃芩 黃柏 梔子黃 大黃 每末一錢煎

此治內外俱大熱之症然太寒非其症勿用

加味清胃湯

升麻 當歸 黃連 丹皮 生地 以上清胃湯加 茯苓 陳皮

此方治胃熱生痰咳逆羸瘦

藿香飲

藿香 白朮各一兩 炙草 茯苓 生黃芪 各五錢 加姜棗每五錢煎勿兒二三錢或一二錢隨時酌用

清涼飲

柴胡 知母 生地 赤苓 防風梢 甘草 梢 當歸 黃柏 龍胆草

治熱盛小便赤澀或膀胱熱結

寧神膏

人參半兩 茯苓二兩 葛根 甘草 五味子 知母 花粉各三錢 另將生地浸一夜 搗爛絞取汁 一碗熬膏入藥末至可丸每二三

天麻膏

生地二兩 羌活一兩半 當歸一兩二錢 牛膝 元參 杜仲 獨活各七錢半 天麻 一兩熬膏丸藥每三五丸湯下或各咬咀每 三五錢煎服亦可

白朮防風湯

防風四錢 白朮 黃芪各二錢 每粗末二 錢煎

主傷寒太陽經症汗多不止

桃奴丸

桃奴七個另研 玳瑁鎊細末一兩 安息香 去渣一兩 右三味同熬成膏入 犀角末 硃砂各五錢 琥珀 雄黃各三錢 麝香 冰片 牛黃各二錢 桃仁炒十四個 安息 膏丸茨子大陰乾固藏靜室每半丸或一丸參 湯下大能辟惡去穢

七味白朮散

人參 白朮 茯苓 炙甘草 藿香 木香 葛根各一錢

治中氣虛弱津液短少口渴或因吐瀉所致

調中湯

茯苓 當歸 白芍 陳皮各一錢 白朮一 錢半 又小名調中湯

治一切浮腫。但用此方。無不愈者。

### 調中湯

良姜 酒洗當歸 炒白芍 肉桂 川芎  
炮附子 各一兩 人參 炙甘草 各五錢  
每咬咀三錢煎

治腸胃虛怯。冷氣乘之。腹脇刺痛。洞瀉不止。

### 熱鬱湯

連喬 薄荷 黃芩 瓜蒌實 麥冬 甘草  
鬱金 竹葉

此方治外感風熱之症。

### 當歸連喬湯

歸尾 連喬 白芷 各三錢 煨大黃 甘草  
各一錢 每咬咀二錢。食前煎服

治小兒心脾有熱。致生重舌。

### 綠袍散

薄荷淨葉 荆芥穗 各五錢 青黛 元明粉  
硼砂 各二錢半 百藥煎 甘草 各三錢  
細研每一字至五分。乾點舌上。令自化。或新水  
入蜜調點舌上

### 黃金散

黃柏蜜塗晒十數次 甘草 各一兩 用末乾  
點患處。或用麥冬湯調點  
主解口內舌上瘡毒。及痘後目生翳膜。

清胃散

升麻五分 生地四分 黃連 丹皮各三分  
歸尾四分 兒母俱服

治胃經有熱口舌諸病牙及齦腫痛。

流氣飲

蟬退 甘草 羌活 天麻 當歸 防風  
大黃 薄荷 赤芍 杏仁 等分每五錢

此方治小兒風毒患眼。

柴胡復生湯

藁本 蔓荊子 川芎 白芷 羌活 獨活  
各二分半 白芍 炙草 薄荷 桔梗各四分  
蒼朮 茯苓 黃芩 各五分 柴胡六分  
五味子十二粒 每二錢煎

治羞明淚多腦頂沉重睛珠痛連太陽。

本事方

防風 白蒺藜各一兩 羌活一兩半 甘菊  
三兩 每末二錢入鹽少許白沸湯點服

治太陽寒水滯翳膜遮睛。

沖和養胃湯

柴胡七錢 人參 當歸 炙草 乾姜 升  
麻 葛根 白朮 羌活各一兩 防風五錢  
黃芪一兩半 茯苓三錢 白芍六錢 五  
味子二錢 每二錢煎服

治內障初起視覺微昏空中有黑花神水變淡



綠色。次則視岐。神水變淡白色。久則不見。神水

變純白色

滋陰腎氣丸

熟地三兩 歸尾 丹皮 五味 山藥 柴  
胡各五錢 茯苓 澤瀉各二錢半 酒炒生  
地四兩 蜜丸 硃砂為衣 每十丸滾湯下

治神水寬大漸散。目昏空中黑花及內障。

山茱萸丸

山茱萸二兩 熟地 丹皮 牛膝 茯苓 澤  
瀉各一兩 鹿茸五錢 蜜丸 每二十丸

此方治眼白多由于虛也。

湯氏牛黃丸

牛黃 白附子 肉桂 全蝎 川芎 石膏  
各一錢 白芷 硃砂各二錢 藿香五錢  
麝香一分 蜜丸 芩子大三歲兒已下每丸  
薄荷湯下 關睛即名通睛

治小兒觸打撲跌着頭額。肝受驚風。成關睛。

立效散

礪砂 冰片 雄黃 朴硝 等分為細末乾  
溲

治嬰兒咽喉痺痛。不能吞嚥。

吹喉散

生甘草二錢半 朴硝一兩 研細末吹喉中

治嬰兒咽喉腫痛氣塞不通。

牛蒡湯

牛蒡子三兩 大黃兩半 防風 薄荷各一兩 荆芥四兩 甘草一兩一錢半 每二錢煎

主喉痛傷風發熱煩躁鼻塞氣喘痰嗽驚啼。

化毒湯

桔梗五錢 薄荷 荆芥穗 甘草各二錢半 山豆根錢半 牙硝 硼砂 朴硝 雄黃 硃砂各二錢 每一字至五分乾點舌上化下或湯調少與含咽亦可

治風熱上攻咽喉腫痛飲食不便。

牛蒡子湯

牛蒡子炒 元參 升麻 桔梗炒 犀角 黃芩 木通 甘草 等分每二錢煎

拔萃桔梗湯

桔梗 甘草 連喬 山梔 薄荷 黃芩各五分 每末一錢煎

治熱腫喉痺。

消風散

茯苓 川芎 荆芥穗 羌活 防風 藿香 姜蚕 蟬壳 炙草 厚朴 陳皮 等分 每末五分茶清調下 加雄黃名雄風散

治胎熱胎寒。及諸風上攻。頭目昏痛。項背拘急。

肢疼鼻塞。皮膚頑麻癢疹。小兒虛風。

張渙辛夷膏

辛夷葉焙乾一錢 細辛 木通 白芷 木香各半兩 杏仁二錢 研用羊髓豬油各二

兩同藥慢火熬成膏令黃色放冷入冰麝各一錢拌勻每用少許點鼻中

張渙清肺膏

瓜蒂半兩 附子一枚 赤小豆 細辛 甘草 草各一錢 冰片九分 蜜丸綿裹塞鼻

此方治小兒齟鼻不聞香臭。

聖惠菊花散

甘菊 白朮 細辛 茯苓 炙甘草 防風 人參各一兩 每末一錢煎

治小兒腦戶傷風冷鼻多涕精神昏悶

聖惠木通散

木通 麥冬 升麻各半兩 知母 炙甘草 犀角 杏仁各錢半 梔子三枚

治小兒腦熱無涕口乾心躁眠卧不安

犀角升麻湯

犀角三錢 升麻 牙硝 黃連各錢半 硃砂 牛黃 冰片各一分 每末五分湯下

治腦熱肺壅鼻乾病

千金方

鍊雄黃 日內一大棗枚許于鼻中十日後息肉自出更不重發

治小兒鼻生息肉

楊氏地黃散

生地 赤芍 歸芍 川芎 等分 每二三次 錢煎 春夏入薄荷汁 秋冬入車前子汁

治榮中有熱肺壅鼻衄

通鳴散

菖蒲 遠志 各一兩 柴胡 麥冬 防風 各五錢 細辛 甜葶藶 各二錢 半 磁石 四錢 杏仁 十四粒 每末五分 葱白湯調下

此方治小兒兩耳聾鳴

細辛散

細辛 防風 大黃 黃芩 各一兩 蠟 川椒 各五錢 細剉以清麻油三合熬藥紫色瀝去渣入蠟候化為膏每以大豆許點耳中 日三次

治小兒耳聾或因腦熱或因水入或因吹着

菖蒲散

菖蒲 烏頭 炒 各四分 為末綿裹內耳中 日二次

治小兒耳自鳴日夜不止

菖附散

附子炮 菖蒲 等分為末綿裏塞耳

治小兒耳疼痛。

紅藍花散

紅藍花 黃柏一兩 烏魚骨 黃芩各半兩  
雄黃四錢 麝香五分 綿搵藥塞耳日再

治聾耳久不差

加味歸脾湯

人參 黃芪 茯神各二錢 甘草五分 木  
香四分 白朮 遠志 棗仁 當歸 龍眼  
肉 丹皮 山梔各一錢 本方去丹皮山梔  
即歸脾湯

此方治脾虛弱損健忘驚悸等症。

半夏丸

生半夏二兩 赤苓 枳壳各一兩 風化朴  
硝二錢半 姜汁糯米粉丸每三四十丸

治痰症若驚搐後風涎潮作服之神效。

白附丸

南星二兩 半夏 白附子 白礬各一兩  
姜汁糊丸一歲兒七丸薄荷湯下

通治咳嗽有痰感冒發熱吐瀉心神不安神效。

牛蒡子散

牛蒡子 山梔 甘草 川硝 鬱金各半兩  
枳壳二錢半 研細入冰片五分研勻每五

分薄荷湯下量兒大小加減

治小兒心脾熱壅多痰

### 譚氏金珠丸

南星 白礬 半夏各七錢 人參 山藥各五錢 珠砂 膩粉各二錢 金箔十片即為衣 薄荷汁同水打糊丸菜豆大每一丸姜湯下量加減

治小兒驚悸怔忡化痰涎利胸膈煩熱止嗽

### 張渙金朱丹

珠砂 半夏 胆星各一兩 茯苓半兩 石膏六錢 金箔二十片 姜汁和黍米大每十丸參湯下

治小兒多涎乳食不下涎不流出者乃名脾熱

多涎

### 小珠砂丸

珠砂一兩 胆星 人參 茯苓 真珠 半夏各半兩 冰片 麝香各少許 蒸餅丸黍米大每四五丸金銀湯下

治小兒眠睡多驚能化風壅痰涎安神

黃連解毒湯

黃連 黃芩 防風 荆芥穗 知母 石膏  
酒黃柏 山梔 大青 元參 生甘草

麻黃湯

如暄熱之時以此辛寒之藥解之  
麻黃 升麻 牛蒡子 蟬退 甘草各一錢  
煩渴加石膏末四錢

檉葉散

檉即西河柳青茂時採葉晒乾為末每一二錢  
茅根湯調下

加味黃芩湯

黃連 黃芩各一錢半 白芍三錢 甘草七  
分 滑石三錢若調服只用一錢 血痢加地  
榆二錢

黃芩湯

黃芩 黃連 赤芍 生地 枳壳 當歸梢  
木通 甘草 人參 初加酒大黃

養血化斑湯

歸身 生地 紅花 蟬退 人參各五分  
加姜一片

大青湯

大青 元參 石膏 生地 地骨皮 知母  
木通 荆芥穗 甘草 等分 加淡竹葉  
十二片

安神丸

黃連 龍胆草 當歸 石菖蒲 茯神各一  
錢半 全蝎七個 蒸餅杵豬心血丸硃砂為  
衣燈草湯下 亦名黃連安神丸

